

張
彙
編
身

滿
清
通
志
卷
之
九
七

復
盦
署
印

3 0232 0271 0

聞萃拔第三期總目次

張勳歷史

康有爲歷史

張之幼年時代

康之家世及其幼年時代

入軍籍及其發跡時代

入山修養及講學時代

張勳之於溝室

康有爲之於德宗及戊戌變法時代

張勳與袁氏之關係

保國會康之演說語錄

張勳之於岑西林

政變時康之脫身始末記

張勳之於陸榮廷

康游歷法國記要

張勳之於徐州

復辟時康氏之真象

張勳逃入使館時之真象

康擬復辟未用九詔

張勳歷史

張勳之幼年時代

張勳字紹軒江西奉新縣人。父名紇甫。初爲農。繼營商業。家頗小康。性喜讀書。人極誠懇。因值洪楊之亂。棄家挈妻。裘氏避居於鳳陽之磬石山。轉業教讀。以餬口。咸豐癸丑。洪秀全軍與清軍戰於正陽鎮。鳳陽各縣居民逃避一空。乃翁見事急。遂偕其妻由婺源縣轉入江西境。五月某日。抵樂平縣中一鄉莊。天已晚。裘氏忽病。叩民居無一人存者。不得已。乃入一空屋中。夜半。張大辯帥乃降生焉。是鄉爲樂平至浮梁縣孔道。馬蹄得得。往來如織。槍聲亦終夜不絕。乃翁與妻子共伏居空屋中。避匿十餘日。至糗糧告匱。外間槍聲亦漸息。遂晝伏夜行。克抵萍鄉。投其親戚某家。至丙辰萍鄉復告警。乃翁從其戚將投滬。未抵南昌。途中忽遇亂軍。其戚合家被虜。翁倉皇走免。裘氏不及從。匆匆抱兒伏叢箬中。一日夜。及出欲尋夫。有熟識萬某經過。驚問何以至此。裘氏具道所以。萬因以張爲至交。遂慨然以保護人自命。延至家而飲食之。且敬禮焉。既而萬妻憮悍。裘氏母子時遭摧辱。閱二年餘。萬爲湘湖某公羅致幕

下。萬妻待裘益無人理。一日。使裘挈子採樵於野。歸時晚炊已過。萬妻誣以曖昧事。裘憤。反唇相稽。萬妻大怒。以大杖撻之。血縷縷透衣外。時張勳已六歲。見母被撻且死。拾石於暗中投萬妻。中頰血流被面。裘見肇禍。遂掖子中夜亡去。萬妻不問焉。而裘氏既出亡。惘惘無所之。聞上海藉西人之力。逃難者多視爲避秦樂土。因携張勳往。行至貴溪縣。母子皆病。棲息於蕪溪驛之破廟中。飲食斷絕。奄奄一息。有上清宮道冠某憫之。給以醫藥。既稍痊。知亦張姓。道冠代爲介紹。使母子執役於某法官家。所謂上清宮者。卽俗所傳張天師之根據地。宮在江西貴溪縣之龍虎山。兩峰對峙。如龍昂虎踞。卽道書所謂第三十三洞天福地者也。自太平軍起。江西爲四通八達之區。且爲桂省抵江甯之要道。所被戰禍之苦。實酷於他省。全境無一片乾淨土。惟龍虎山獨得以天師教主之魔力。清軍髮軍均相戒不敢入。故張勳母子得能於此山潛藏至數年之久。而長其鱗甲。以俟風雲之至也。張勳兒時。深亦頗能知孝養。然一遭母斥叱。則握拳面赤。若不服訓者。且時侮其鄰居之兒。裘氏懼之。乃懇於法官。爲送於某書塾。令其讀書。塾師某亦道流。天地立黃。念將一年。繼續學庸。張勳益苦。

之。輒託故逃學。及得而納之塾。則又毆甲擊乙。部勒羣兒。使聽己命。塾師之令反不行。因憤而逐之。張勳出校。謂其衆曰。吾不復來此矣。明日爾曹仍來此者。余將一一剗刃於爾腹。羣兒畏之。此校遂風流雲散。其能挾制他人。使爲己用。幼時之強項已如此。龍虎山後。有潭。清泓可鑑。其中多蛇。若守宮者。無慮千百。道人相戒爲龍子。無敢犯者。張勳網取三數頭。閉於大瓶中。以爲玩具。某兒請釋之。詎得罪神物。禍且不測。張勳大怒。碎其瓶。以小刀寸磔之。某兒大駭。遂奔告於道衆。道衆皆失色。覆至法官家責問。法官亦怒。擢張勳付羣衆。任治之。張勳大呼曰。汝等謂神物有靈。自我殺之。必有以報我。今使勳爲君等所殺。是龍之靈不靈於龍。而靈於君等。安足以服人心哉。羣衆語塞。暗思鳩之。會晚忽大雷雨。裘氏大懼。以危語動張勳。張勳亦懼。暴雨中一人獨往跪禱於龍潭。無何天霽。張勳竟無恙。衆皆以神爲示儆。勸告張勳。張亦信之矣。張勳又好聽盲詞。及大鼓書。每夜必潛往山下茶肆中。聽三國水滸等書。每聽至得意處。眉飛目動。手舞足蹈。若演戲然。人皆謂之風魔兒。一夕張勳自茶肆歸。中途遇一大漢。負一巨囊下山。張匿林中窺之。於微月下。見囊外露一衣角。則似己

之物也。始悟出門時。門未上栓。諒必爲賊所乘。遂大怒。思捕之。而懼力不敵。乃從僻路。奔出賊前。伏暗中。拾石投之。不中。復學鬼聲以嚇之。賊始反奔向後山。張勳復先往後山。如初嚇之。賊終夜東突西竄。遍山皆聞鬼聲。旁皇無措。及天明。二人筋力皆疲。豕衆已蹤跡至。賊遂被擒。張勳乃諱言私出。言夜見賊竊物。迫不及呼。故躡之耳。時天師年已老。香風鑑而無子。清侍郎許公以密事經貴溪。上山謁之。及行。天師送之於宮門之外。見張勳方部勒羣兒。作戰鬪狀。天師驚訝。審視再四。令其進前詢之。曰。汝何姓。答姓張。天師曰。亦山中之子姓歟。張勳曰否。吾聞諸母言。奉新籍耳。天師問現屬於何處。答謂厲某法官家。天師卽立飭法官至。謂之曰。子何得藏他人子於山中。法官曰。憫彼母子將轉於溝壑耳。天師嘆曰。此子虎頭燕頤。相貌非凡。異日當有所建立。惟不善駕馭之。適足爲擾亂一世之資耳。因命入上清宮。張勳不能違。卽隨之往。既入上清宮。天師夜以極苦之事。暇並課元妙之經典。在天師之意。固將苦其心志。勞其筋骨。而又示以高尚之道德。俾有以化其梟雄之本性。一旦覺悟。戴黃冠。而爲世外之人。爲至善也。詎知造物有定。天性難移。天師之計畫。未及全行。而族

中以留同姓不宗之子弟。懼亂其相傳之統緒。而羣起爲逐客之計。然有天師在。尙未敢發。無何。天師病。召裘氏母子謂之曰。我死。汝母子必不爲山中。所容。我今與汝等以書。可卽日往投侍郎許公處。自有位置與汝等。惟此子旣不克入道流。則此後如有機緣。亦當使之多讀聖賢書。使日後天下人不罪及予身。則予亦了此一場心事矣。裘氏遂挈子以去。至許家。呈天師書。許遂留張勳母子於宅中。待以寶禮。張勳自入許家。仍惡讀書。年歲益長。暴性仍不稍減。合家之人皆惡之。惟許公則以天師故。常優容之。時金陵早已克復。清朝大勢已定。人民之逃處四方者。均稍稍歸聚。裘氏亦返故鄉。探夫下落。有歸自軍中者。言張翁爲太平軍所虜。轉徙至商邱。患病以死。並出其信物。上於裘氏。裘氏大悲。仍返許宅。返未三月。悒悒而卒。時張勳年已十八矣。裘氏旣歿。張勳隻然一身。無所畏憚。時中法交戰。張願投軍自效。許公壯其志。乃爲之作書。介紹於廣西提督蘇元春麾下矣。

張勳之入軍籍及其發跡

蘇元春。北人行伍出身。其微時之歷。史正與吳六奇不相上下。輕財好友。以重悍稱。

一見張勳。深悅之。即拔爲營官。而張勳亦感恩知己。奉令惟謹。一改其從前之態度。張勳自入軍籍。卽懷壯志。嘗希倣維思舉吳六奇之爲人。且幼值亂世。出入生死。於兵間。故對於戰鬪之事。心焉好之。及爲營官。自謂班超封侯。意中事耳。不意中法言和。易兵戈而爲玉帛。張勳鬱鬱不得志。嘗拉營卒痛飲。至極醉。每長劍倚天。撫髀興嘆。聲淚俱下。大有英雄無用武之地之慨。至光緒壬午升管帶。時已二十一歲。有兵三百餘人。有清一代。兵多招募。軍營編制與今異。紀律寬嚴。率由統將以已意爲之。而寬縱者居其多數。雖以百戰百勝聲名卓著之湘淮兩軍。其風尙不能免。主將有時不能制。張勳習之。往往傲睨上官。優待兵士。以結其歡心。其兵亦祇知有張勳。不知有他人。以故上司於軍事有所差遣。或捕盜等事。其兵士頗肯效命。成效常出他營之上。蘇益垂青及之。一日蘇謂陸榮廷曰。張勳強壯兵頗可用。我方倚爲干城。第吾聞其不能洽於地方何也。陸曰。張勳雖深得士心。然不知戰術部勒之法。兵雖壯而驕。以之剿匪則有餘。若遇大敵。不足恃也。蘇曰。汝旣知張病。規正之事。囑諸汝矣。我固不願徇地方人民之請。以軍法勒彼也。越數日。蘇果召陸。張至。設宴款之。

而爲之介紹。使締爲異姓之兄弟焉。陸榮廷赫赫有名。此固人所共知。無待多述。然當時亦出於蘇之麾下。機警善變。才藝雙絕。蘇深任之。每遇大事。必召諮詢。職雖管帶。實無異參謀也。故蘇元春以張事託之。惟陸年雖少於張。而洞識時務。則遠過於張。二人質性各異。惟皆豪於飲。交好之篤。藉此媒介。然每至酒酣耳熱。議論仍格格不相入。張每受陸譏刺。輒面紅耳赤。勢將用武。陸則以談笑却之。張以陸爲怯丈夫。不足以校也。張嘗請陸蒞其營。觀其操練之法。張問陸曰。較他營何如。陸曰。君以之自足。其如有軀壳而無精神。他日恐不足恃也。語頗冷峭。張怒。抗言不服。一日張詣陸營。見軍士擊鎗致敬。靜肅無聲。張笑謂陸曰。是卽所謂精神乎。予爲李廣。君爲程不識。各行其是可也。時駐桂英領事某。常輕蘇元春爲無軍事知識。值歲朝。蘇循例往賀。陸與張皆從。領事殊倨傲。語言諷訕。頗不能堪。張歸憤甚。謂陸曰。今日之事。是可忍。孰不可忍。我夜必往圍使署。盡殺之。以雪軍門之恥。陸驚曰。殺之耶。善。後將如何。張曰。此則國家事。非我所計。陸曰。然則欲愛軍門。而反害之矣。烏乎可。張曰。卽不殺之。我亦必往辱之。庶幾使知中國尙有男子也。陸曰。外人殊不易辱。君可善自爲。

計。毋惹國際交涉也。張怒甚。戟指罵曰。今天下武官。皆如汝等鬚眉而巾幗。所以不振也。使天假我以將相之權者。我必請於朝。下旨各省督撫。限以時日。一朝盡將教堂洋人。焚殺淨盡。然後以重兵鎮守海口砲臺。洋人其如我何。陸大笑曰。談何易耳。是夜。張果率數十人武裝潛往領事館。路經陸所汛地。哨者不聽使前。張挺身曰。我某營管帶張某也。哨者曰。我奉陸管帶命。謂無論何人。夜中以武裝來者。均拒不使過。我等知奉令。不知其他也。張不聽。使其卒逕前。哨者卽伏地。以槍擬張軍。互呼口號。預備作戰。張頗心折。不得已率衆而歸。及抵營。天已明。蘇元春已下令調張他往矣。前清制度。每一大員下車。必有閱兵之舉。時適新任桂撫蒞任。蘇元春盡調其部下會操。而陸之營整齊精練。獨爲諸營冠。及試諸將校弓馬。張皆不敵。陸則二百步之弓。四百步之槍。連發皆中。一軍皆驚。外賓亦嘆賞不置。上官遂拔爲統領。張自相形見絀。愧悔交萌。逕入陸營中。挽陸痛飲曰。我今日方知公之學問。服公之度量矣。由是陸有所言。張輒聽之。而軍事上之知識。亦稍稍進步矣。蘇元春有戲癖。而尤善扮武二花。每值壽辰宴會。常扮墨登場。自鳴其技。因之麾下之一般解音律者。遂日

以唱戲爲事。有過其轅者。左右兵房。率皆鼓板胡琴。西皮二簧。高唱入雲。事爲某御史奏聞於朝。朝廷震怒。嚴加申斥。並派桂撫查辦。蘇大懼。於是一班以游戲事附和於蘇者。皆遭擯斥。張勳亦遂去。而赴申江矣。旣抵申江。搨搨不得志。日與諸名伶相周旋。藉以釋悶。張性豪爽。重然諾。且喜抱不平。故諸伶皆樂與之游。有周鳳林者。蘇人。本崑腔之名旦。而轉入於京班者。綺年玉貌。才藝雙絕。其魔力實不亞於今之梅蘭芳。奇張之貌。知爲不凡。謂張曰。觀君氣概非凡。奈何與優伶爲伍。而墮其志氣耶。君如不棄。周某當留某處。徐圖機遇。要當仍以軍人爲宜也。張大喜。遂就周焉。張與周交數年。周待之始終有加禮。丁亥。張隨周抵天津。時袁世凱方歸自高麗。朝廷命其練新軍於北洋。周聞之。謂張曰。君之豹變時期至矣。因爲之作書。致內廷某總管。使向袁氏說項。時某總管深得太后所信任。外臣方互相結納。以爲奧援。故某總管一啓齒。袁卽授張勳以防營營官。未幾。又委張新軍某營庶務長。閱一年。升某師營長。未及三月。以不諳新軍規律。爲其下所攻。撤差。袁復荐之於防營爲管帶。以剿捕會匪功。升幫統。又二年。正任爲統領。洎乎庚子之變。兩宮倉皇出走。京內外臣僚除

近侍外。無有知者。故一路供張。皆購諸民間。粗糲淡菜。艱況備嘗。張勳聞警。即率兩營。星夜追隨。至鷓鴣山。聞兩宮已渡河。遂不入宣化城。逕渡河西行。追及之於十八盤山附近之某村。光緒帝使宦者宣諭。止其軍於十八盤山。獨傳統兵者進見。張勳進謁兩宮。伏地痛哭。至不能起。晉獻行帳及食物甚夥。並自請願隨駕西行。慈禧太后大喜。又見其紅頂花翎氣像出衆。不知是何省大吏。遂轉謂李蓮英曰。咱怎麼不知此人。蓮英曰。此人現爲防營統領。其實職尙未至二品。不得召見。故老佛爺不識此人也。太后使李誌之。越數日。王文韶赴行在。而各處勤王之兵。亦紛紛四集。太后令張勳回原任。並諭好好當差。以後必要提拔。遂啓蹕西行。於是張遂得兩宮之知遇矣。和議告成。兩宮起駕回京。張迎接兩宮於河南。及兩宮至京。張復迎駕於馬家堡車站。跪請聖安。太后喜甚。賞銀三千兩。時在朝之王公大臣六部九卿翰詹科道及各署武員。均於是處接駕。跪伏道左者。排比連肩。加以隨扈文武大小官員均集於車站左右。殊形擁擠。且在前迎駕者。除近支王公軍機大臣御前大臣外。餘均在後。不過隨班行禮而已。張不敢前進。遂退下。未遑謝恩。及兩宮入城。鑾輿行至午門。

張忽跪於駕旁。免冠叩首奏曰。臣張勳謝老佛爺恩。時隨扈王大臣莫不驚其魯莽失儀。深恐太后見罪。而太后反喜其虔。遂謂內監首領崔某曰。汝快把他扶起。一路保駕勞乏。可以休息去矣。復賞御用食品數盒。厥後宿衛前朝。時蒙賞賜。且凡張有所進奉於兩宮者。該管內監莫不立時進呈。無論外省督撫。中央大員。進奉物品。不克如此。卽近支王公有所進獻。皆須待期。始能進上也。而張以一統領竟蒙此特殊之恩遇。爲從來所未有。張之不忘清室亦一原因也。

兩宮到京後。痛定思痛。追叙出亡時諸臣之功。張勳遂特加恩擢。授爲雲南提督。昔日潦倒於春申之張勳。今日竟得開府愼池。與故主蘇元春遙遙並峙。而竟達到其希冀吳六奇羅思舉之目的。其愉快當爲何如。然雲南地處邊僻。人民瘠苦。且密邇法境。法人時相侵入。握兵者當兼具有外交之手段。不能純恃之以武力。張勳慙直暴躁。不克理外交。非但無融睦之方。且不時反挑其怒。以故滇撫及人民。均噴有煩言。而張勳亦悒悒若失。反不如在統領任內時之自由。因此日思去滇。以意達袁。袁商之於慶王。遂奏請調張勳軍來京。分駐前朝爲內廷宿衛。自茲以往。張益爲慈禧

太后所信任也。至宣統三年十月清廷命程允和爲長江水師提督。因命張接統駐紮江南浦口各營。此雖出於上人見喜。亦因慶邸之計畫。預爲張勳實任江南提督之地步也。

宣統四年八月武昌民軍起義。各省繼續響應。清廷以南京爲東南之保障。因卽任張勳爲江南提督。會同總督張人駿。將軍鐵良。以制第九鎮統制徐紹楨。時徐已與蘇浙民黨相約。一俟措置畧就。卽行起事。張人駿已摒擋行具將遁。事爲張勳所知。大怒。遂以兵劫張人駿幽於己宅。並奪其衛隊。使與防營及旗營會合。襲擊徐紹楨於城中。挫其軍於秣陵關。徐紹楨敗。退守鎮江。時民黨因與徐有所接洽。黨人蒞寧者。已不下數千人。均散處於旅館。及民間以圖起事。張勳偵知。遂閉城大搜民黨。省中之學生而無辮者幾無一幸免。全城鼎沸。市面騷然。張人駿雖爲總督。無如何也。徐紹楨既被張勳軍襲擊。退駐鎮江。痛心疾首。急徵兵於各省。蘇督程德全。浙督湯壽潛。滬督陳其美。各舉兵會之。推徐爲總司令。規復南京。聯軍併力。連戰於紫金山。天寶城。獅子山一帶。所向皆捷。浙軍砲轟北極閣。毀張勳之大本營。因城內兵力單

薄。四面皆敵。張不能支。乘黑夜遂縱火開城。挾張人駿向浦口而去。張既去。民軍遂入南京。陳其美卽電蘇浙請徐紹楨卽以聯軍追躡張勳。會清廷派唐紹儀來上海議和。兩軍停戰。張遂擁兵逍遙而去。至民國元年。袁政府成立。張勳明雖贊成。心殊不以爲然。因其前後左右均係民軍駐孤軍於四面楚歌之中。尤爲不安。乃請於袁徵募數營。增其兵力。爲民國二年。南方諸省獨立失敗。黃興棄南京走上海。何海鳴復鼓勵殘衆據之。袁項城命倪嗣冲率北洋兵進窺江寧。並命張勳爲倪後援。張勳受命不俟倪氏之至。逕率其軍渡江長驅逼江寧。盡力攻擊。何海鳴遜。張重入南京。以昔日被民軍所奪之南京。今復得驅民軍而入之。遂思患預防。復添招數十營。聲勢益振。未幾袁命馮公鎮寧。而任張以長江巡閱使。兼皖省將軍。倪嗣冲爲安徽省長。張與倪均不肯赴任。張則駐於江蘇之徐州。倪則駐於安徽之蚌埠。而遙領省中軍民事。民國五年。袁氏稱帝。張以袁之資格威力。均出己上。不敢公然反對。乃贊成之。其實推翻民國。實亦張勳之本懷。而擁戴袁氏則非其本意也。蓋張祇抱一復辟。念袁氏稱帝。心怨之。迨西南起義。袁氏告終。張勳明雖哀袁。而中心則欣然喜悅。

以爲袁既死。國中從此莫予違矣。若東南之馮。西南之陸。以及夫津京間之段。則已之資格勢力。皆足以蓋之。因兩開徐州會議。以小試其鋒。而復辟之心。遂油然而起。民國六年。府院政見不合。段內閣免職。諸督軍獨立。張請黎前總統願作調人。黎信之。召張來京作調人。張遂以萬繩棊等爲之謀。而實行復辟。清廷復任命張勳爲北洋大臣兼領袖議政大臣。七月七日。國師進迫京城。張辭職。十一日。國軍復皇城。進攻南河沿。張遁於荷蘭使館。於是轟轟烈烈之功名。如月盈則仄。遂因之以告終焉。以上推究張勳之發跡。萌芽於許文敏。蘇元春。而動機於周鳳林。玉成於奕劻。及榮祿。受知於孝欽。而袁世凱則始終提挈之也。計其官跡所歷。僅五省。廣西。直隸。雲南。江甯。安徽。兩爲防營營官管帶。一爲新軍營長。一爲防營統領。一爲幫辦練軍。一爲宿衛統領。兩爲提督。一爲巡閱使。一爲將軍。一爲督軍。一爲北洋大臣。一爲領袖議政大臣。誕生於咸豐癸丑。投軍於光緒辛巳。而失敗於民國六年（宣統丁巳）浮沉於宦海者三十餘年。而年已六十有五矣。以後如何則不得而知也。

張勳之於清室

張勳雖鷥直。而記憶力甚強。有暇頗留心文字。嘗執書問難於諸幕友。間取稗史及綱鑑易知錄等書閱之。亦粗能會意。惟膠柱鼓瑟。執一自信。故君主之觀念。印入於腦筋者甚深。常以英法入天津。日本取琉球爲國之大恥。時露其忠君憂國之慨。及爲統領。得入慶邸榮祿之門。當時祇知爲官計。亦不深求慶榮之爲何如人。及旣握恩遇。始知二人及袁等。皆慈禧太后之心腹。而爲光緒帝所不喜者。張以利害關係不能獨異。故張勳者亦忠於太后之人也。

張勳新授雲南提督之時。周鳳林曾一至張公館。張設宴款之。意頗自得。然頗表示歡迎之意。周曰。君嘗自命爲忠君之人。奈何自託於太后之黨。以求仕祿。士君子出處不明。殊足爲終身名譽之累。某此來非爲君賀。特爲君弔也。張變色曰。太后與皇上豈有異耶。某爲清室之臣。則雷霆雨露。均惟清室之命是聽。爲臣者祇當竭股肱之力。而致命於王家耳。皇上純孝爲懷。母子之間更無黨異可言。君果何所據而云然。所見之謬耶。周不悅。席終絕裾而去。張無如何也。張勳對於清室。始終表示其忠誠。然在袁政府時代。尙不敢有所爲。當袁政府時。張勳曾蒞京一次。其晉謁宣統。必

先稟明袁氏。至蒙召見時。除跪安之外。言不及他。蓋袁氏帝制方在萌芽。無啓齒之餘地也。袁氏死。柩回河南。各省均派代表送之於彰德。而徐州之代表。卽以復辟之說。活動於其間。有某某等省贊成之。於是一再之徐州會議。遂因之以起焉。至徐州會議之發生。張勳實主之。然所以能成此徐州會議者。其動力確又不在張勳。而在一某方面。蓋徐州會議之作用。張勳固以之爲復辟之試驗。某方面則陰縱而利用之。藉以恐赫民黨也。張勳不知某方面之作用。自詡其威力足以號召。而某方面則固深悉張勳之爲人。不如是不足以踣之。甚高一著。張遂入其彀中。而卒至於身敗名裂。若督軍團則如黑白子。任著者之隨意處置。自亦莫名其妙也。

張勳與袁氏之關係

張勳自小站練兵。初投袁氏。袁一見識爲死士。卽一再拔擢。屢予要差。戊戌維新之變。袁嘗密囑張勳及其他三數心腹者。在京津一帶羅緝康黨。康梁由某國人秘密保護。逃亡海外。其出京之路。實爲張所把持者。事後其他數人。均諉過於張。張恨甚。袁知而反慰之。並以數百金爲犒賞費。而調遣他處。袁與張秘密之關係。實係於此。

洎乎民國成立後。東南各省均入於民軍之手。袁遂利用張氏。以抵抗其間。特優容之。二次革命失敗。張勳勢益壯。袁欲帝制自爲。益優待張。特爲張向德購大批軍火。令某要人與之介紹。德人某某於張勳。而袁張之關係益密切。然張嘗謂己之心腹曰。頃城志在大寶。而我志在復辟。宗旨互相水火。特以勢力不敵。屈居其下。虛與委蛇。且頃城於我。雖頗示親厚。而忌我亦實甚。不然寧督一席。何以予之馮華甫。而不予我耶。雖然。使我先頃城而死。則無可言。若頃城而先我死。我必手已破之山河。還諸清帝耳。要之頃城與張勳。皆各懷其意者也。袁氏用張勳。以擄擊民黨。以圖帝制。而又恐其難制。以軟索繫之。張則挾一復辟之心。自以毛羽未豐。聊就拘縛。以爲憑依。而瞻顧徘徊。稍縱即逝。其團合之用意。各有所在。蓋袁在帝制自爲。張在復辟清帝也。

張勳之於岑西林

張勳對於西南之要人。感情最洽者。爲陸榮廷。最惡者。爲岑春煊。蓋張之惡西林者。其原因實始於蘇元春。初廣西匪亂數年。始於沿邊游匪。而蔓延內地。蘇元春以提

督兼辦鐵路。不治軍事。致邊防各營。與匪勾聯。根株盤互。元春袒護。養癰。至不可收拾。光緒癸卯。岑春煊督兩廣。爰得其情。參廣西巡撫王之春。提督蘇元春。均奪職。又以蘇元春縱兵殃民。缺額扣餉。拏交刑部治罪。岑乃以龍濟光王芝祥陸榮廷等。剿攻土匪。始告肅清。及蘇元春被逮入京。張勳百計營救。無效。因恨岑甚。二年二次革命事起。西林加入民黨。被推爲大元帥。張恨岑益甚。且恨民黨而攻之。益力焉。

張勳之於陸榮廷

民國六年二月間。陸榮廷進京。路經徐州。張勳邀之下車。備極歡迎。一住數日。每至酒酣耳熱之際。張輒以復辟之說相嘗試。陸固深知張之性質。不欲在徐州與之衝突。唯唯而已。張遂誤認爲同志。中心喜不可言。及陸辭行。張設餞祖之。謂曰。君如果能贊助予之計劃者。則去年之北伐倒袁。正可謂爲清帝餘地計。將來中興之功。正無人與之並肩也。因出一贊成復辟之名單。邀陸氏簽名。以爲信約。陸曰。紹軒誤矣。左右西南之權。實非操之榮廷之手。即使簽字。亦不生效力。偶一敗露。榮廷之地位。且不自保。更何能爲君之助。張固強之。陸曰。無已。君當自謀。諸岑西林兩廣將士。皆

其舊部。且岑亦清室大臣。榮廷亦嘗受渠命。勒者。若非先疏通西林。得其同意者。榮廷殊無能爲力也。張蹙額曰。西林與予仇恨甚深。奈何。陸曰。君旣爲光復故國計。寧獨不能捐一宿怨耶。張無言。陸遂得啓行。而張竟不悟陸爲自遁之辭耳。

張勳之於徐州

徐州岡巒環合。汴泗交流。北走齊魯。西通梁宋。自昔爲要害之地。且近時復有鐵路四達其間。交通便利。故張勳旣不得坐鎮於南京。遂駐徐州。以爲根據之地。徐海一帶接近於山東河南。人民本極樸實。自張駐徐後。以地苦商貧。遂使部下多方招商。維致戲劇之事。於是戲館飯館等商皆不遠千里而來。鱗次櫛比。聲歌遏雲。風氣遂一大變。徐州之車站亦因之而驟熱鬧。其軍人及商民往來於街道者。每至夜半猶不止焉。

徐州旣地處交通。每月必有數十起之要人。經過其間。故張勳特設招待部於車站之附近。部中約數十人。或長於陸軍。或長於法政教育。數十人之中。各科皆備。何等入至。卽擇其氣味相投者招待之。要人之有名者。抵徐。張必預先命招待部備綠呢

天。轎。並。派。軍。樂。隊。巡。警。隊。護。之。進。行。轎。其。資。格。稍。淺。者。則。否。而。聽。其。自。投。刺。於。招。待。部。關。白。於。張。或。見。或。不。見。雖。不。一。致。而。酒。食。聲。色。無。或。不。周。一。惟。客。之。所。欲。故。一。班。前。清。落。魄。之。官。吏。殆。無。歲。不。往。徐。州。與。大。帥。周。旋。蓋。雖。不。得。事。而。叨。其。優。待。亦。計。之。得。也。聞。當。時。徐。州。一。月。中。之。賓。客。往。來。酒。食。車。馬。之。資。開。支。頗。鉅。焉。

袁。氏。帝。制。倒。後。其。被。罪。者。均。紛。紛。逃。至。徐。州。張。勳。置。酒。謂。之。曰。民。黨。被。緝。則。逃。至。租。界。君。等。亡。命。則。逃。至。徐。州。租。界。藉。外。人。爲。保。護。而。徐。州。則。仍。爲。中。國。之。領。土。君。等。之。志。氣。畢。竟。高。出。於。民。黨。之。上。也。因。勸。各。浮。一。大。白。曰。諸。君。在。此。可。無。虞。也。

張。勳。前。在。徐。州。時。雖。名。爲。將。軍。不。啻。一。獨。立。國。軍。事。民。政。司。法。教。育。統。爲。自。理。一。維。己。意。之。可。否。以。爲。斷。有。逆。其。意。而。爭。之。者。輕。則。咎。責。重。則。予。以。軍。杖。亦。不。問。其。爲。教。育。家。或。行。政。官。也。以。故。民。間。之。以。私。事。相。怨。者。均。不。敢。訴。諸。官。而。形。式。反。政。簡。刑。清。似。較。他。邑。爲。治。平。表。面。如。此。其。內。幕。中。殊。有。未。然。也。

至。於。定。武。軍。之。統。領。張。勳。所。信。用。爲。智。勇。兼。備。者。則。有。張。文。生。張。肇。達。有。勇。而。無。謀。者。則。有。白。寶。山。吳。起。恒。此。皆。張。勳。最。信。用。者。也。張。文。生。在。前。清。時。隨。張。爲。營。長。辛。亥。

革命時。張在南京被圍。城內兵力軍薄。各將校均請調浦口之兵進城助戰。張意亦動。獨張文生不可。謂城外集蘇浙滬三處聯軍進攻。聲勢甚盛。無論如何。我軍終不支。以其後備軍尙衆也。武漢之間。南北界斷。救兵不能南下。縱使我軍大勝。必不能以一旅孤軍。盡殲滅其聯隊也。今若盡調浦口之軍入城。設一不勝。是一網送盡。更無退後之餘地也。倘不能守。惟往浦口爲佳耳。張勳然之。後南京光復。張勳走浦口。深得其言之效用。而軍聲復震。遂拔張文生爲統領。而有爭必詢之。而後行。張文生於是遂爲定武軍之領袖矣。白寶山人頗勇悍。本爲徐寶山舊部。而張招之爲定武軍之統領。張勳帶兵進京時。人皆擬爲張文生。及命令下。爲白寶山。湯玉麟。張文生頓足曰。徐州不保矣。迨後張勳由京致電徐州。囑張文生警備。張文生知事急。一日數電。拍致劉文揆。白寶山。囑二人勸大帥慎重將事。不可輕率。並證南京安徽態度不明狀。白與劉均不敢以電進。蓋張喜諛。人多不敢逆其意。亦失敗之一因也。

張勳逃入使館時之眞象

共和軍圍攻南河沿時。有勸張勳出避鋒鏑者。張大怒曰。老夫久經大敵。身歷百戰。

至少及於今。恒於槍林彈雨中爲生活。奚畏此耶。既而圍攻益急。張遂脫去長袍。椎警箕坐。謂其部下曰。彼軍雖衆。惟有決戰耳。若清室再屋。余惟有一死。以從先帝於地下。以謝老臣謀事之不周而已。時國軍進逼。槍彈如雨。危急間。荷蘭使館汽車至。有荷蘭二人。促之登車。張不肯行。曰。汝外國人來此何意。對曰。我等非有他意。將護大帥暫居使館耳。張仍不肯行。衆勸之曰。大帥總以暫避一時爲佳。勸之再四。張曰。若然。則取我袍褂來。已卽持緯帽欲著之。衆曰。大帥此行。不可御此。以免敵識。張曰。旣如此。便服可耳。於是著長衫登汽車。至使館。自入使館。憤憤不能平。聞嘗語人曰。事之不成。老夫特爲彼輩所誑耳。然此仇不可不報。今當先披露彼輩同謀之手迹。使老夫一日不死。必達我最初之目的而後已。是時必有以報之也。

復辟時張勳最後致外交團書

張勳退入皇城。勢極危迫。曾由外交團出爲轉圜。該書原文見北京英文日報。茲譯錄如下。余因效忠清室。且信復辟爲救時惟一之方法。故敢毅然行之。此非余個人之意見。卽反對者當亦同感。余以爲事定之後。必邀好友及國人之贊助。乃事有大

謬不然者。區區忠心愛國。是誠不獨不能見諒於國人。今且爲大勢所迫。竟不能不與吾歷年之舊友決裂矣。舊友加我以大逆不道之罪。懸重金購吾頭。凡文明國間。敗軍所應得之媾和談判。亦被拒絕。不曰強盜。卽曰罪人。母乃迫人太甚乎。余爲顧全余個人及部下之名譽起見。出而奮鬪。耿耿此心。可矢天日。余敢誓告於衆曰。當此千鈞一髮之時。非得皇室康寧及部下之保障。則惟有一死。表明心跡。決不願偷生。以污我神聖主義也。反對者胡不以相當禮遇。開誠而談。一方謂我以無條件之降服。一方謂對我坐視主義。生命之犧牲。及部下之凌辱。人非木石。孰能忍此。余非不欲圖北京市民之安全。特余所注重者。尤在皇室及部下之榮譽。萬不忍令與我共生死同禍福之部下。棄主張卸武器。一任反對我者之蹂躪。而毫無優待之保障也。今之反對我者。皆我昔日之舊友。彼輩欲圖都邑及外交之安全。則不當以強盜犯人待我。務須稍假辭意。平和磋商。果其所提出之條件。具有誠意。則余亦不吝袒懷相見。余爲皇室及人民起見。但使不背平昔主張。無論如何讓步。皆所樂爲。余現居被動地位。力之所及。卽當維持都中秩序。人不負我。我亦決不負人。對於反對方

面。所派遣之使節亦願以相當禮貌待之。但余自身非得公正之待遇。決不願離此一步。即維持皇室之信念。亦決不拋棄也。反對者要我讓步。請先示我以正當之條件。及履行之保障。余願外交團諸君。圖人類之福祉。促兩方協議之速成。余亦當平心靜氣。與反對者妥商善後。此則余所敢矢言於諸君之前者也。云云。

張勳最近之消息

京話日報載。張勳避居荷蘭使館後。其姪輩等風聞確有在上海活動情形。張勳因外人按照保護國學犯公例。不許對於政治上有所活動。所以張勳除飲酒看書聽話匣子之外。偶爾接見極近朋友。（外人在內）或談論古今事跡。或偶有評及時局。本報因其對於清室雖屬愚忠。然其宗旨始終如一。較朝三暮四之輩。尙高出一籌。故自其避居使館後。探訪人對其一舉一動。無不格外注意。隨時報告登錄。以饗閱者。諒亦閱本報諸君所亟欲聞知者。今又據訪員探得其最近舉動。按清皇室舊例。向於除夕。皇上率領王大臣文武百官。著蟒袍補褂。赴四太妃處辭歲。新年元旦。皇上升乾清宮。受文武百官朝賀禮。（均應著朝服）聽說除夕那天。張勳在他

自居屋中。設上香案。戴上頭品頂戴。身著蟒袍補褂。挂珠望闕。行三跪九叩禮辭歲。次早（卽舊曆元日）換穿朝服。設香案。行三跪九叩禮。並供賀表。係將摺匣供於香案上。禮畢。痛哭流涕。自言自語說。主上□□□□□□……有臣三寸□□……等語。聞其種種舉動。大類瘋狂。其所夢想。悉固斷難履願。然其一片孤忠。始終不二。亦頗可取。而又覺可憐。他人勿效其愚可也。又昨日有人往訪荷蘭公使。詢問張勳是否離京。荷公使畧謂。外間全係謠傳。張勳從未出使館一步。其身體精神仍照常。家眷尙有一部分在館中。云聞張勳住在荷蘭兵營。前被守衛荷蘭兵二名。偷去金表金幣等物。携贓逃走。奔往上海。現聞上海荷蘭官憲。已將竊贓逃兵捕獲。日前押送來京。經荷蘭軍兵營開軍法審判。據該犯等供認不諱。並稱贓物偷出後。存在崇文門內船板胡同。天和順酒店內。知照京師警察廳。警察廳於昨日下午一鐘。派警兵一百餘名。將該酒店包圍。嚴行搜索。並帶去該店掌櫃夥計二人。解交內右一區嚴行追問。

附錄勸阻張勳復辟者之要言

鴻文拔萃

贛人鄒道濟曾隨前山東巡按使蔡儒楷游慕山東。因與張勳爲鄉誼。受張勳軍署諮議職。仍流寓濟垣。其人不飾邊幅。狀類瘋癲。而頗通文翰。見解亦尙正大。先是徐州張勳建築生祠。當代名公所贈聯多至四百餘對。類皆揚厲鋪張。極力諛頌。惟鄒道濟所贈聯語。於恭維中頗寓微辭。聯云（世局無常公有常欲向念四史中爭來特座）（時賢善頌我亦頌須過二十年後始有真評）若預知其有今日之變者。及張勳奉令入京。鄒道濟上書詢問入京是何宗旨。茲覓其原書錄下。大帥鈞鑒。承派隨節。本應侍從。惟此次入京。究竟是何宗旨。爲魯仲連乎。爲郭子儀乎。如爲魯仲連。必預先徵取各方面之意願如何。約會既定。然後胸有把握。俾雙方可就範圍。事卽迎刃而解。若不預先開會。徒效呂奉先轅門射戟。恐難解散國會。卽不足降服諸侯。非善策也。如欲爲郭子儀。揆諸時勢情理。皆萬不可爲。當今全球時尙。趨向共和。美法純屬民權。英亦半爲民主。德爲聯邦制度。俄坻改建共和。現清室已墟。於今六載。若突然復辟。何異久冷之灰。噓之成火。已僵之屍。扶之復活。且徐段馮陸皆負總統資格。若復辟果成事實。則羣起反抗者。不在南省之民黨。而在北派之干涉。有常識

者卽能見及。此時勢上之不可者一。大帥富有千萬。貴至極品。妻妾滿堂。子女皆幼。何必犧牲全福。博此愚忠。此情理上之不可者二。祇此兩端。願公審度。公聽吾言。國之福。民之福。吾輩從人之福。否則吾不忍見之矣。噫。此可謂要言不煩云。

康有爲歷史

康之家世及其幼年時代

康有爲。字廣夏。號長素。廣東廣州府南海縣人。其先代爲粵名族。世以理學傳家。曾祖名式驪。講學於鄉。稱醇儒。祖父名贊修。爲連州教諭。專以程朱之學。提倡後進。從祖一名國器。當清咸同間。從左軍以功至廣西巡撫。一名懿修。當咸豐末葉。四海鼎沸之際。以一布衣辦七縣團練。保境安民。確然成一自治團體。父達初。早世。母勞氏。生康兄弟二人。其弟卽廣仁。戊戌之役。死於國難。康旣早孤。幼受教育於大父。每誦讀。過目不忘。七歲能屬文。有神童之目。居常嚴重。不苟言笑。成童之時。便有志於聖賢之學。鄉里俗子笑之。戲號之曰「聖人爲」。蓋以其開口輒曰聖人聖人也。康名有爲。故曰聖人爲也。

入山修養及講學時代

康以十九歲喪大父。年十八。始游朱九江先生之門。受學焉。九江者。名次琦。字子襄。粵中大儒也。其學根柢於宋明。而以經世致用爲主。研究中國史學。歷代政治沿革得失。最有心得。著書甚富。晚年以爲此等著述。無益於後來之中國。故當易簣之際。悉焚其稿。學者惜焉。康從之學。凡六年。而九江卒。其理學政學之基礎。皆得諸九江。自九江卒後。乃入於南海之西樵山。屏居獨學。者又四年。其間盡讀中國之書。而其發明最多者爲史學。究心歷代掌故。一一考其變遷之跡。得失之林。下及考據詞章之學。既又潛心佛典。深有所悟。

復出西樵。乃游京師。其時西學初輸入中國。舉國學者。莫或過問。康則僻處鄉邑。亦未獲從事也。及到香港上海。見西人植民政治之完整。屬地如此。本國之更進可知。因思其所以致此者。必有道德學問以爲之本原。乃悉購江南製造局及西教會所譯出各書。盡讀之。彼時所譯者。皆初級普通學。及工藝兵法醫學之書。否則耶穌經典論疏耳。於政治哲學。毫無所及。而康以其天稟學識。別有會悟。能舉一以反三。因

小以知大。自是於其學力中。別開一境界。遂游歷於各省。北出山海關。登萬里長城。南游江漢。望中原。東詣闕里。謁孔林。浪跡於燕齊楚吳荆襄之間。察其風土人物。交其士大夫。西泝江峽。如桂林。疇昔山中所修養者。一一案之。經歷實驗。學乃益進。至光緒辛卯。講學於長興里。其時張之洞總督兩粵。勸以開局譯日本書。輯萬國文獻通考。張氏不能用也。乃盡出其所學。教授弟子。以孔學佛學宋明學爲體。以史學西學爲用。其教旨專在激厲氣節。發揚精神。廣求智慧。中國數千年無學校。至長興學舍。雖其組織之完備。萬不達泰西之一。而其精神。則未多讓之。其見於形式上者。如音樂至兵式體操諸科。亦皆屬創舉。康講學於粵。凡四年。每日在講堂者四五點鐘。每論一學。論一事。必上下古今。以究其沿革得失。又引歐美以比較證明之。又出其理想之所窮及。懸一至善之終。以進退古今中外。蓋使學者理想之自由。日以發達。而別擇之智識。亦從生焉。

後又講學於桂林。其宗旨方法。一如長興。至甲午敗後。遂開強學會於京師。一時張之洞。袁世凱之流。皆贊成焉。不數月。爲政府所禁。然自是民智漸開。學會之風徧天。

下。一年之間。設會百數。政府不能禁。學者亦不復以此爲大戒矣。

康有爲之於德宗及戊戌變法時代

自光緒十五年。康卽以一諸生伏闕上書。極陳時局。請及時變法以圖自強。書格不達。甲午敗後。又聯合公車千餘人。上書中前議。亦不達。世所傳公車上書記是也。自此以後。四年之間。凡七上書。其不達也如故。其頻上也如故。舉國俗流非笑之。唾罵之。或謂爲熱中。或斥爲病狂。康若爲不聞也者。無所於撓。其結果也。爲德宗所知。召對特拔。遂有戊戌維新之事焉。

戊戌維新。雖時日極短。然殊有可記者。自光緒十五年。康以布衣伏闕上書。極陳外國相逼。中國危險之狀。並發俄人蠶食東方之陰謀。稱道日本變法致強之故事。請釐革積弊。修明內政。取法泰西。實行改革。當時舉京師之人。咸以康爲病狂。大臣阻格。不爲代達。康乃歸廣東開塾講學。以實學教授弟子。及乙未之役。復至京師。將有所陳。適和議甫就。乃上萬言書。力陳變法之不可緩。謂宜乘和議既定。國恥方新之時。下哀痛之詔。作士民之氣。則轉敗爲功。重建國基。亦自易易。書中言改革之條理。

甚詳。既上。德宗嘉許。命閣臣鈔錄副本三分。以一分呈西太后。以一分留乾清宮南窗。以備乙覽。以一分發各省督撫會議。康有爲之初承宸眷。實自此始。時光緒二十一年四月也。五月。康有爲復上書言變法之先後次第。蓋前書僅言其條理。未及下手之法也。是時守舊大臣。已有妬嫉康之心。復阻格不爲代奏。于時師傅翁同龢兼直軍機。性行忠純。學問極博。自甲午敗後。知西法不能不用。大搜時務書而考求之。見康之書大驚服。時翁與康尙未識面。先是康有爲於十四年奏言日人變法自強。將規朝鮮及遼臺。及甲午大驗。翁同龢乃悔當時不用康有爲言。面謝之。後乃就見康商榷治法。康爲極陳列國並爭。非改革不能立國之理。翁反覆詢詰。乃益豁然。索康所著之書。自是翁議論專主變法。比前若兩人焉。翁同龢者。德宗之師傅。最見信用者也。備以康之言達於上。又日以萬國之故。西法之良。啓沃之。於是德宗毅然有改革之志矣。其年六月。翁與帝決議擬下詔勅十二道。布維新之令。既而爲慈禧太后所覺察。乃撤翁毓慶宮行走。自是變法之議中止。而康亦出都南歸。復游歷講學於江南上海廣東廣西浙江之間。光緒二十三年十二月。德人佔踞膠州之事起。康

馳赴北京。復上書極陳事變之急。其書曰。

具呈工部主事康有爲。爲外憂危迫。分割洊至。急宜及時發憤。革舊圖新。以少存國祚。呈請代奏事。竊自馬江敗後。法人據越南。職於此時隱憂時事。妄有條陳。發俄日之謀。指朝鮮之患。以爲若不及時圖治。數年之後。四鄰交逼。不能立國。已而東師大辱。遂有割臺賠款之事。於是外國蔑視。海內離心。職憂憤迫切。謬陳大計。及時變法。圖保疆圉。妄謂及今爲之。猶可補牢。如再徘徊遲疑。苟且度日。因循守舊。坐失事機。則外患內訌。閭不容髮。遲之期月。事變之患。旦夕可致。後欲悔改。不可收拾。雖有善者。無如之何。危言狂論。冒犯刑誅。荷蒙皇上天地之量。俛採芻蕘。下疆臣施行。以圖臥薪嘗膽之治。職誠感激聖明。續有陳論。格未得達。旋即告歸。去國二年。側望新政。而泄沓如故。坐以待亡。土室撫膺。閉門泣血。頃果有德人強據膠州之事。要索條款。外廷雖不得其詳。職從海上來。閱外國報。有革李秉衡索山東鐵路礦務。傳聞章高元及知縣。已爲所擄。德人修造砲台兵房。進據即墨。並聞德王胞弟親統兵來。俄日屯買吾米各七百萬。日本議院日日會議。萬國報館議論沸騰。咸以分中國爲言。若箭在弦。省括卽發。海內驚惶。亂民蠢動。職誠不料昔時憂危之論。倉猝遽驗於目前。更不料益廷緘默之風。沈痼更深於昔日。瓜分豆剖。漸露機牙。恐懼回惶。不知死所。用敢萬里浮海。再詣闕廷。竭盡愚誠。惟皇上自垂覽而採擇焉。夫自東師辱後。泰西蔑視。以野蠻待我。

以愚頑鄙我。昔視我爲半教之國者。今等我於非洲黑奴矣。昔憎我爲倨傲自尊者。今悔我爲
龔賢蠢冥矣。按其公法均勢保護諸例。祇爲文明之國。不爲野蠻。且謂剪滅無政教之野蠻。爲
救民水火。故十年前吾幸無事者。泰西專以分非洲爲事耳。今非洲剖訖。三年來泰西專以分中
國爲說。報章論議。公託義聲。其分割之圖。傳徧大地。擘畫詳明。絕無隱諱。此尙虛聲。請
言實踐。俄德法何事而訂密約。英日何事而訂深交。土希之役。諸國何以借兵力而不用。戰艦
之數。諸國何以競厚兵而相持。號於衆曰保歐洲太平。則其移毒於亞洲可知。文其言曰。教保
保商。則其垂涎於地利可想。英國太晤士報論德國膠事。處置中國。極其得宜。譬猶地雷四伏。
藥線交通。一處火燃。四面皆應。膠警乃其借端。德國固其瞞矢耳。二萬萬膏腴之地。四萬萬
秀淑之民。諸國耽耽。朶頤已久。慢藏誨盜。陳之交衢。主者屢經搶掠。高臥不醒。守者袖手
熟視。若病青狂。唾手可得。俯拾卽是。如蟻慕羶。聞風奔至。失鹿共逐。撫掌歡呼。其始壯
夫動其食指。其後老稚亦分杯羹。諸國咸來。并思一轡。昔者安南之役。十年乃有東事。割臺
之後。兩載遂有膠州。中間東三省諸州之鐵路。滇粵之礦。土司野人山之邊疆尙不計矣。自爾
之後。赴機愈急。蓄勢益緊。事變之來。日迫一日。教堂遍地。無刻不可起釁。礦產遍地。無
處不可要求。骨肉有限。剝削無已。且鐵路與人。南北之咽喉已絕。疆臣斥逐。用人之大權亦
失。浸假如埃及之管其戶部。如土耳其之柄其國政。樞垣總署。彼皆可派其國人。公卿督撫。

彼且矜制其死命。鞭笞親貴。奴隸重臣。囚奴士夫。蹂躪民庶。甚則如土耳其之幽廢國主。如高麗之禍及君后。又甚則如安南之盡取其土地人民。而存其虛號。波蘭之宰割均分。而舉其國土。馬達加斯加以挑水起釁而國滅。安南以爭道致命而社墟。蟻穴潰堤。蚌不在大。職恐爾爾之後。皇上與諸臣。雖欲苟安旦夕。歌舞湖山而不可得矣。且恐皇上與諸臣求爲長安布衣而不可得矣。後此數年。中智以下。逆料而知。必無解免。然其他事。職猶可先言之。若變辰非常。則不惟輟簡而不忍弄諸篇。抑且泣血而不能出諸口。處小朝廷而求活。則胡銓所羞。待焚京邑。而憂惶。則董遇所鄙。此則戰中夜屑涕。仰天痛哭。而不能已於言者也。夫謂皇上無發憤之心。諸臣無憂國之意。坐以待斃。豈不哀然。然伏觀皇上發憤之心。昭於日月。密勿重臣。及六曹九列之賢士大夫。憂國之誠。癩顏黑色。亦且暴著於人。願日言自強。而弱日甚。日思防亂。而亂日深者何哉。蓋南轅而北轍。永無稅駕之時。緣木而求魚。決無得魚之日。職請質言其病。並粗舉治病之方。仲虺之誥曰。兼弱攻昧。取亂侮亡。吾旣自居於弱昧。安能禁人之兼攻。吾旣日卽於亂亡。安能怨人之取侮。不知病所。而方藥雜投。不知變症。而舊方猶守。其加危篤固也。職請以仲虺之醫明之。歐洲大國。歲入數千萬萬。練兵數百萬。鐵船數百艘。新式新器。歲出數千。新法新書。歲出數萬。農工商兵。士皆專學。婦女童孺。人盡知書。而吾歲入七千萬。償款乃二萬萬。則財弱。練兵鐵艦無一。則兵弱。無新式新器之出。則藝弱。兵不識字。士不

知兵。商無學。農無術。則民智弱。人相儉安。士無俠氣。則民心弱。以當東西十餘新造之強鄰。其必不能禁其兼者勢也。此仲虺兼弱之說可畏也。大地八十萬里。中國有其一。列國五十餘。中國居其一。地球之通自明末。輪路之盛自嘉道。皆百年前後之新事。四千年未有之變局也。列國競進。水漲堤高。比較等差。毫釐難隱。故管子曰。國之存亡。鄰國有焉。衆治而已。獨亂。國非其國也。衆合而已。獨孤。國非其國也。頃聞中朝諸臣。狃承平台閣之習。襲籀書期會之常。猶復以尊王攘夷。施之敵國。拘文牽例。以應外人。屢開笑資。爲人口實。譬凌寒而衣絺綌。當涉川而策高車。納侮招尤。莫此爲甚。咸同之時。旣以昧不知變而屢挫矣。法日之事。又以昧不知變。而有今日矣。皇上堂陞尊崇。旣與臣民隔絕。恭親王以藩邸議政。亦與士夫不親。吾有四萬萬人民。而執政行權。能通於上者。不過公卿臺諫督撫百人而已。其餘百僚萬數。無由上達。等於無有。而公卿臺諫督撫。皆循其格而致。旣已裹足未出外國遊歷。又以貴倨未近通人講求。至西政新書。多出近歲。諸臣類皆咸同舊學。當時未有。年耄精衰。政事叢雜。未暇更新考求。或竟不知萬國情狀。其蔽於耳目。狃於舊說。以同自證。以習自安。故賢者心思智慮。無非一統之舊說。愚者驕倨自喜。實使其尸位之私圖。有以分裂之說來告者。傲然不信也。有以侵權之謀密聞者。蕡然不察也。語新法之可以興利。則噴目而詰難。語變政之可以自強。則掩耳而走避。老吏舞文。稱歷朝之成法。悚然聽之者。蓋十而六七矣。迂儒帖括

詡正學之旨言。瞿然從之者又十而八九矣。無一事能究其本原。無一法能窮其利弊。卽聾從味。國皆失目。而各國遊歷之人。傳教之士。察我形勝。測我盈虛。言財政詳於度支之司。談物產精於商局之冊。論內政或較深於朝報。陳民隱或更切於奏章。舉以相質。動形窘屈。鄭昭宋聾。一以免患。一以召禍。况各國競驚於聰明。而我岸然自安其愚闇。將以求免。不亦難乎。此而望其盡掃舊弊。力行新政。必不可得。積重難返。良有所因。夜行無燭。瞎馬臨池。今日大患。莫大於昧。故國是未定。士氣不昌。外交不親。內治不舉。所聞日孤。有援難恃。其病皆在於此。用是召攻。此仲虺攻昧之說可懼也。自臺事後。天下皆知。朝廷之不可恃。人無固志。奸宄生心。陳涉輟耕於隴上。石勒倚嘯於東門。所在而有。近邊尤衆。伏莽遍於山澤。教民遍於腹省。今歲廣西全州灌陽興安東蘭那地泗城電白已見告矣。匪以教爲仇讎。教以匪爲口實。各連枝黨。發作待時。加以賄賂昏行。暴亂於上。胥役官差。促亂於下。亂機遍伏。卽無強敵之逼。揭竿斬木。已可憂危。况潢池盜弄之餘。彼西人且將藉口興師。爲我定亂。國初賊流賊而定都京邑。俄人逐回匪而佔踞伊犁。兵冢形勢。中外同揆。覆車之轍。可爲殷鑑。此仲虺所謂取亂者可懼也。有亡於一舉之割裂者。各國之於非洲是也。有亡於屢舉之割裂者。俄德奧之於波蘭是也。有盡奪其政權而一旦亡之者。法之於安南是也。有徧據其海陸形勝之地。而漸次亡之者。英之於印度是也。歐洲數強國。默操成算。縱橫寰宇。以取各國。殷鑑俱存。覆車可驗。

當此主憂臣辱之日。職亦何忍爲傷心刺耳之談。願見舉朝上下。相顧嗟呀。咸識淪亡。不待中智。羣居歎息。束手待斃。耆老仰屋而咨嗟。少壯出門而狼顧。并至言路結舌。疆臣低首。不惟大異於甲申。亦且迥殊於甲午。無有結纓誓骨。慷慨圖存者。生機已盡。暮色慘淒。氣象如此。可駭可憫。此真自古所無之事。夫至於公卿士庶。偷生苟活。候爲歐洲之奴隸。聽其犬羊之剝縛。哀莫大於心死。病莫重於痺癆。欲隕之棄。不假於疾風。將萎之華。不勞於觸手。先亡已形。此仲虺所謂悔亡之說尤可痛也。然原中朝取於不長分割。不憚死亡者。雖出於昧。亦由誤於有恃焉。夫欲託庇強鄰。藉爲救援。亦必我能自立。則犄角成勢。彼乃輔車。若我爲附枝。則臥榻之側。豈容鼯睡。齊王建終傷松柏。李後主終坐牽機。且泰西兵事。決勝乃戰。一旦敗績。國可破滅。俄德力均。豈肯爲我用兵。臧敗大局哉。蠶又中智以下咸知難恃者也。如以泰西分割亞洲。連雞互忌。氣勢甚緩。突厥頻割大藩。尙延殘喘。波斯盡去權利。猶存舊封。中國幅員廣袤。從容分割。緩緩支持。可歷年所。執政之人。皆已耆老。冀幸一身可免。聽其貽禍將來。然突厥之回教。專篤悍強。西人所畏。吾則民教柔順而枯朽。波斯之國主。紆尊游歷西國盡徧。吾雖親王宰相。閉戶而潛修。分局早定。民心已變。瑞典使臣之奔告。各國新報之張皇。亞洲舊國。近數年間。歲有剪滅。近且殆盡。何不取鑑之。禍起旦夕。畢命盡喪。而謂可延年載。老人可免。此又掩耳盜鈴。至愚自欺之術也。譬巨室失火。不操水呼救。而幸火未

至。入室竊寶。屋燼身焚。同歸於盡而已。故職竊謂諸臣。即不爲忠君愛國計。亦當自爲身謀也。皇上遠察晉宋。近考突厥。上承宗廟。孝事皇太后。即不爲天下計。獨不計及宋世謝后簽名降表。徵欽移徙五國之事耶。近者諸臣泄泄。言路鉗口。且默察朝旨。一切諱言。及事一來。相與惶恐。至於主辱臣死。雖粉身灰骨。天下去矣。何補於事。不早圖內治。而十數王大臣。僥首於外交。豈惟束手。徒增恥辱而已。不豫修於平時。一旦臨警。帶皇而求請。豈能彌縫。徒增賠割而已。故膠警之來。不在今日之難於對付。而在向者之不發憤自強也。勢弱至此。豈復能進而折衝。惟有急於退而結網。職不避斧鉞。屢有所陳。今日亦不敢言自保。言圖存而已。亦不敢言圖存。卽爲偏安之謀。亦須早定規模已耳。殷憂所以啓聖。外患所以興邦。不勝大願。伏願皇上因膠警之變。下發憤之詔。先罪己以勵人心。次明恥以激士氣。集羣材咨問以廣聖聽。求天下上書以通下情。明定國是。與海內更始。自茲國事付國會議行。紆尊降貴。延見臣庶。盡革舊俗。一意維新。大召天下才俊。議籌款變法之方。採擇萬國律例。定憲法公私之分。大校天下官吏賢否。其疲老不才者。皆令冠帶退休。分遣親王大臣及俊才出洋。其未游歷外國者。不得當官任政。統算地產人工。以籌歲計預算。察閱萬國得失。以求進步改良。罷去舊例。以濟時宜。暫借洋款。以舉庶政。若詔旨一下。天下雷動。士氣奮躍。海內聳望。然後破資格以勵人才。厚俸祿以養廉恥。停捐納。汰冗員。專職司。以正官制。變科舉。廣學校。譯西書以

成人。懸清秩功牌。以煥新藝新器之能。創農政商學。以爲阜財富民之本。改定地方新法。推行保民仁政。若衛生濟貧。潔監獄。免酷刑。修道路。設巡警。整市場。鑄鈔幣。創郵船。徒貧民。開礦學。保民險。重煙稅。罷釐征。以鐵路爲通。以兵船爲護。夫如是則庶政盡舉。民必知戴。但天下人心離散。當日有恩意慰撫。以團其情。志士之氣劣弱。當激以強健豪傑以壯其氣。然後盡變民矣。令每省三萬人。而加之訓練。大購鐵艦。須沿海數十艘。而習以海戰。詔令日下。百舉維新。誠意諄懇。明旨峻切。料所有新政詔書。雖未推行。德人聞之。便當退舍。但各國兵機已動。會議已紛。宜急派才望素重。文臣辯士。分遊各國。結其議員。自開新報之館。商保太平之局。散布論議。聳動英日。職以爲用此對付。或可緩兵。然後雷厲風行。力推新政。三月而政體略舉。期年而規模有成。海內回首。外國聳聽矣。皇上發奮爲雄。勵精圖治。於中國何有焉。論者謂病入膏肓。雖和緩扁鵲不能救。火燃眉睫。雖焦頭爛額不爲功。天運至此。無可挽回。况普國變法而法人禁之。畢士馬克作內政而後立。美國製造鐵砲。而英人禁之。華盛頓託荒島而後成。近者英人有禁止出售機器於我之說。俄法欲據我海關鐵路礦務。銀行練兵之權。雖欲變法慮掣我之肘。職竊以爲不然。少康以一成之旅而光復舊物。華盛頓無一民尺土。而保全美國。况以中國二萬里之地。四萬萬之民哉。顧視皇上志願何如耳。若皇上赫然發憤。雖未能遽轉弱而爲強。而倉猝可圖存於亡。雖未能因敗以成功。而俄頃可轉亂爲治。

職猶有三策以待皇上決擇焉。夫今日在列大競爭之中。圖保自存之策。舍變法外別無他圖。此談經濟者異口而同詞。亦老於交涉之勞臣所百慮而莫易。願革故鼎新。事有緩急。因時審勢。道備剛柔。其以目之散見者。當世之士能言之。職前歲已條陳之。今不敢泛舉。請言其要者。

第一策曰。採法俄日以定國是。願皇上以俄國大彼得之心爲心法。以日本明治之政爲政法而已。昔彼得爲歐洲所擯。易裝游法。變政而逐霸大地。日本爲俄美所迫。步武泰西。改絃而雄視東方。此二國者。其始遭削髮與我同。其後底盛強與我異。日本地勢近我。政俗同我。成効最速。條理尤詳。取而用之。尤易措手。聞皇上垂意外交。披及西字。使臣游記。泰西纂述。並經乙覽。不廢芻蕘。若西人所著之泰西新史攬要。列國變通興盛記。尤爲得要。且於俄日二主之事。頗有發明。皇上若僥採遠人。法此二國。誠令譯署進此書。幾餘披閱。職尙有日本變政之次第。若承垂採。當寫進呈。皇上勞精厲意講之於上。樞府諸大臣各授一冊講之於下。權衡在握。施行自易。起衰振靡。響贖發聾。其舉動非常。更有迥出意外者。風聲所播。海內憎聳。職可保外人改視易聽。必不敢爲無厭之求。蓋遇昧者其胆豪。見明者則氣怯。且慮我地大人衆。一旦自強。則報復更烈。非皇上洞悉敵情。無以折衝樽俎。然非皇上採法俄日。亦不能爲天下雄也。其第二策曰。大集羣才而謀變政。六部九卿諸司百執。自有才賢。咸可咨問。若內政之樞垣。外政之譯署。司計之戶部。司法之刑曹。議論之臺諫翰林尤爲要劇。宜精選長貳。逐日召見。

虛已請求。若者宜革。若者宜因。若者當先。若者當後。謀議既定。次第施行。期年三月。成效必覩。其第三策曰。聽任疆臣各自變法。夫直省以朝廷爲腹心。朝廷以行省爲手足。同治以前督撫權重。外人猶有忌我之心。近歲督撫權輕。外人之藐我益甚。朝廷苟志存通變。宜通飭各省督撫。就該省情形。或通力合作。或專力致精。取用新法。行以實政。目前不妨略異。三年要可大同。寬其文法。嚴爲督厲。守舊而不變者斥之。習故而不能改者去之。要以三年。期使各省均有新法之練兵數千。新法之稅款數萬。製造之局數處。五金之礦數區。學校增設若干。道路通治若干。粗定課程。以爲條格。如此則百廢俱舉。萬象更新。銷萌建威。必有所濟。我世宗憲皇帝注意督撫。而政舉兵強。我文宗顯皇帝穆宗毅皇帝委重督撫。而中興奏績。重內輕外之說。帖括陳言。非收時至論也。凡此三策。能行其上。則可以強。能行其中。則猶可以不弱。僅行其下。則不至於塗亡。惟皇上擇而行之。宗社存亡之機。在於今日。皇上發憤與否。在於此時。若徘徊遲疑。因循守舊。一切不行。則輻員日割。手足俱縛。腹心已剖。欲爲偏安。無能爲計。圍牢羊豕。宰割隨時。一旦縛割。亦固其所。職上爲君國。下爲身家。苦心愛慰。慮不能免。明知賤遜。豈以冒越。但棟折榱壞。同受傾壓。心所謂危。急何能擇。若皇上少採其言。發奮維新。或可圖存。宗社幸甚。天下幸甚。職雖以狂言獲罪。雖死之日。猶生之年也。否則沼吳之禍立見。裂首之事卽來。職誠不忍見煤山前事也。瞻望宮闕。憂思憤盈。淚盡血

竭。不復有云。冒犯聖聽不勝戰栗屏營之至。伏惟代奏皇上聖鑒謹呈。

書上工部大臣。惡其伉直不敢爲之代奏。然京師一時傳鈔。海上刊刻。諸大臣士人共見之。莫不嗟悚。有給事中高燮曾者。見其書歎其忠。乃抗疏薦之。請帝召見。德宗將如所請。恭親王進諫曰。本朝成例。文職非四品以上官不能召見。今康有爲乃一主事。皇上若欲有所詢問。命大臣傳語可也。帝不得已。於正月初三日。遂命王大臣延康有爲。於總署詢問天下大計變法之宜。並令如有所見及有著論政治者。可由總署進呈。於是其書卒得達。帝覽之肅然動容。指篇中求爲長安布衣而不可得。及不忍見煤山前等語。而語軍機大臣曰。非忠肝義胆不顧死生之人。安敢以此直言陳於朕前乎。歎息者久之。康之此書。以上年十一月遞於工部。至次年五月始得達御覽。帝乃命總署諸臣。自後康有爲有條陳。即日呈遞。無許稍格。並宣取康所著日本變政考。俄皇大彼得傳等書。而翁同和復面奏於帝。謂康有爲之才。過臣百倍。請皇上舉國以聽。自此傾心嚮用矣。帝特命康有爲具摺上書。正月初八日。康有爲上疏統籌全局。其疏曰。

工部主事臣康有爲跪奏。爲國勢危迫。分割滯至。請及時變法。定國是而籌大計。恭摺仰祈聖鑒事。竊頃者德人割據膠州。俄人竊伺旅大。諸國環伺。岌岌待亡。自甲午和議成後。臣累上書。極陳時危。力請變法。格未得達。旋即告歸。土室撫膺。閉門泣血。未及三年。遂有茲變。臣萬里浮海。再詣闕廷。荷蒙皇上不棄芻蕘。特命總理各國事務王大臣傳詢。問以大計。復命具摺上陳。並宣取臣所著日本變政考俄大彼得變政考。進呈御覽。此蓋歷朝未有之異數。而大聖人採及疇非之盛德也。臣愚何人。受此殊遇。遭際時艱。敢不竭盡其愚。以備採擇。臣聞方今大地守舊之國。未有不分割危亡者也。有次第脅割其土地人民而亡之者。波蘭是也。有盡取其利權一舉而亡之者。緬甸是也。有盡亡其土地人民而存其虛號者。安南是也。有收其利權而後亡之者。印度是也。有握其利權而徐分割而亡之者。土耳其埃及是也。我今無士無兵。無餉無船。無械。雖名爲國。而土地鐵路輪船商務銀行。惟敵之命。聽容取求。雖無亡之形而有亡之實矣。後此之變。臣不忍言。觀大地諸國。皆以變法而強。守舊而亡。然則守舊開新之效。已斷可觀矣。以皇上之明。觀萬國之勢。能變則存。不變則亡。全變則強。小變仍亡。皇上與諸臣審知其病之所源。則救病之方。卽在是矣。夫方今之病。在篤守舊法。而不知變。處列國競爭之世。而行一統垂裳之法。此如已夏而衣重裘。涉水而乘高車。未有不病渴而淪者。大學言日新又新。孟子稱新子之學。論語孝子毋改父道。不過三年。然則三年之後。必改可知。夫物新則

壯。舊則老。新則鮮。舊則腐。新則活。舊則板。新則通。舊則滯。物之理也。法既積久。弊必叢生。故無百年不變之法。况今茲之法。皆漢唐元明之弊政。何嘗爲祖宗之法度哉。又皆爲胥吏舞文作弊之巢穴。何嘗有絲毫祖宗之初意哉。今託於祖宗之法。固已誣祖宗矣。且法者所以守地者也。今祖宗之地既不守。何有於祖宗之法乎。夫使能守祖宗之法。而不能守祖宗之地。與稍變祖宗之法。而能守祖宗之地。孰得孰失。孰重孰輕。殆不待辨矣。雖然欲變法矣。而國是未定。衆論不一。何從而能舍舊圖新哉。夫國之有是。猶船之有舵。如方之有針。所以決一國之趨向。而定天下之從違者也。若針之子午未定。舵之東西游移。則徘徊莫適。悵悵何之。行者不知所從。居者不知所往。放乎中流。而莫知所依。指乎南北。而莫知所極。以此而驚憤海之大航。破滔天之巨浪。而適遭風沙大霧之交加。安有不沉溺者哉。今朝廷非不稍變法矣。然皇上行之。而大臣撓之。才士言之。而羣僚攻之。不以爲用夷變夏。則以爲變亂祖制。謠謗并起。水火相攻。以此而求變法之有效。猶郤行而求及前也。必不可得矣。皇上既審時勢之不能不變。知舊法之不能不除。臣請皇上斷自聖心。先定國是而已。國是既定矣。然下手之方。其本末經重剛柔緩急不同。其規模條理綱領節目大異。稍有乖誤。亦無成功。臣愚嘗斟酌古今。考求中外。唐虞三代之法度至美。但上古與今既遠。臣願皇上日讀孟子。師其愛民之心。漢唐宋明之沿革可採。但列國與統一迥異。臣願皇上上考管子。師其經國之意。若夫美法民政。英

德共和。地遠俗殊。變久跡絕。臣故請皇上以俄大彼得鑰心之心法。以本明祖之政。日。爲也。政然求其時地不遠。效俗略同。成效已彰。推移即是。若名書佳畫。墨蹟尙存。而易於臨摹。如宮室衣裳。裁量恰符。而立可鋪設。則莫如取鑑於日本之維新矣。日本之始也。其守舊攘夷與我同。其幕府封建與我異。其國君守府。變法更難。然而成功甚速者。則以變法之始。趨向之方針定。措施之條理得也。考其維新之始。百度甚多。惟要義有三。一曰大誓羣臣以定國是。二曰立對策所以徵賢才。三曰開制度局而定憲法。其誓文在決萬幾於公論。採萬國之良法。協國民之同心。無分種族。一上下之議論。無論藩庶。令羣臣咸誓言上表。革面相從。於是國是定。而議論一矣。召天下之徵士貢士。咸上書於對策所。五日一見。稱旨者擢用。於是下情通而羣才進矣。開制度局於宮中。選公卿諸侯大夫及草茅才士二十人充總裁。議定參預之任。商榷新政。草定憲法。於是謀議詳而章程密矣。日本之強。效原於此。皇上若決定變法。請先舉三者。大集羣臣於天壇太廟。或御乾清門。詔定國是。躬申誓戒。除舊布新。與民更始。令羣臣具名上表。咸革舊習。黽勉維新。否則自陳免官。以激厲衆志。一定輿論。設上書所於午門日輪派御史二人監收。許天下士民皆得上書。其繫僚言事。咸許自達。無得由堂官代遞。以致阻撓。其有稱旨者。召見察問。量才擢用。則下情咸通。羣才輻輳矣。設制度局於內廷。選天下通才十數人。入直其中。王公卿士。儀皆平等。略如聖祖設南書房。世宗設軍機處例。皇上

每日親臨商權。何者宜增。何者宜改。何者當存。何者當刪。損益庶政。重草章程。然後敷布施行。乃不謬紊。近泰西政論。皆言三權。有議政之官。有行政之官。有司法之官。三權立。然後政體備。以我朝論之。皇上則爲元首。百體所從。軍機號爲政府。出納王命。然跪對頃刻。未能謀議。但爲喉舌之司。未嘗論思之寄。若部寺督撫僅爲行政之官。營於手足。但供奔持。豈預謀議。且部臣以守例爲職。而以新政與之議。事既違例。必反駁而已。安有以手足而參謀猷哉。近者新政多下總署。總署但任外交。豈能兼營。况員多年老。或兼數差。共議新政。取決俄頃。欲其詳美。勢必不能。若御史爲耳目之官。刑曹當司法之寄。百官皆備。而獨無左右謀議之人。專任論思之寄。然而新政之行否。實關軍國之安危。而言者妄請施行。主者不知別擇。無專司爲之討論。無憲法爲之著明。浪付有司。聽其抑揚。惡之者駁詰而不行。決之者倉卒而不盡。依違者狐疑而莫定。從之者條畫而不詳。是猶範人之形。有頭目手足口舌身體。而獨無心思。必至冥行墮埴。顛倒狂瞽而後已。以此而求新政之能行。豈可得哉。故制度局之設。尤爲變法之原也。然今之部寺。率皆守舊之官。驟於改革勢實難能。既立制度局總其綱。宜立十二局分其事。一曰法律局。外人來者自治其民。不與我平等之權利。實爲非常之國恥。彼以我刑律太重。而法規不同故也。今宜採羅馬及英美德法日本之律。重定施行。不能驟行內地。亦當先行於通商各口。其民法民律。商法市則船則。訟律軍律。國際公法。西人皆極詳明。既

不能閉關絕市，則通商交際，勢不能不概予通行，然既無律法，吏民無所率從，必致吏滋百弊，且各種新法，皆我所夙無，而事勢所宜，可補我所未備，故宜有專司，探定各律，以定率從。

二曰度支局，我國地比歐洲，人數倍之，然患貧實甚，所入乃下等於智利希臘小國，無理財之政故也，西人新法紙幣，銀行，印稅，證券，訟紙，契紙，煙酒稅，礦產山林，公債，皆致萬萬，多我所無，宜開新局專任之。

三曰學校局，自京師立大學，各省立中學，各府縣立小學，及專門各學，若海陸醫學，律學，師範學，編譯西書，分定課級，非禮部所能辦，宜立局而責成焉。

四曰農局，舉國之農田山林水產畜牧，料量其土宜，講求其進步改良焉。

五曰工局，司舉國之製造機器美術，特許其新製而鼓勵之，其船舶市場新造之橋梁堤岸道路咸屬焉。

六曰商局，舉國之商務商學商會商情商貨商律專任講求激厲之。

七曰鐵路局，舉國之應修鐵路，繪圖定例權限咸屬焉。

八曰郵政局，舉國皆行郵政以通信，命各省府縣鄉成立分局，並電線屬焉。

九曰礦務局，舉國之礦產礦稅礦學屬焉。

十曰游會局，凡舉國各政會學會教會游歷游學各國會，司其政律而鼓舞之。

十一曰陸軍局，選編國民爲兵，而司其教練。

十二曰海軍局，治艦練軍之事屬焉。

十二局設庶政可得而舉矣。然國政之立，皆以爲民，民政不舉，等於具文而已。夫地方之治，皆起於民，而自縣令之下，僅一二簿尉雜流，未嘗託以民治，縣令任重而選賤，俸薄而官卑，自治獄催科外，餘皆置之度外，其上乃有藩臬道府之轄，經案四重，乃至督撫，而後

達於上。審臬道府。拱手無事。皆爲冗員。徒增文書費厚祿而已。一省事權。皆在督撫。然必久累資勞乃至此位。地大事繁。年老精衰。舊制且望而生畏。望其講求新政而舉行之。必不可得。向者學堂農商之詔屢下矣。而各直省多以空文塞責。亦可見矣。日本以知縣上隸於國。蓋制百郡。以太守上_注天子。我地大不能同日本。宜用漢制。每道設一民政局。妙選通才督辦其事。用南書房及學政例。自一品至七品。京朝官皆可爲之。准其專摺奏事。體制與督撫平等。用出使例。聽其自辟參贊隨員。俾其指臂。收得人之助。其本道有助才者。即可特授。否則開缺另候簡用。卽以道缺給之。先撥釐稅。俾其創辦新政。每縣設民政分局。督辦派員會同地方紳士治之。除刑獄賦稅。暫時仍歸知縣外。凡地闢戶口追路山林學校農工商務衛生警捕。皆次第舉行。三月而備規模。一年而實其成焉。如此則內外並舉。臂指靈通。憲章草定。奉行有准。然後變法可成。新政有效也。若夫廣遺紀王大臣游歷以通外情。大譯西書。留學外國。以得新智。厚俸祿以養廉恥。變通科舉以育人才。皆宜先行者。猶慮強鄰四逼。不能容我從容圖治也。且我民窮國匱。新政何以舉行。聞日本之變法也。先行紙幣。立銀行。財泉流通。遂以足維新之用。今宜大籌數萬萬之款。立局以造紙幣。各省分設銀行。用印度出稅之法。仿各國印花之稅。我地大物博。可增十倍。然後郡縣獨立各種學堂。沿海急設武備學院。大購鐵艦五十艘。急練民兵百萬。則氣象丕變。維新有圖。雖不敢望自強。亦庶幾可以自保。臣愚夙夜憂國。統籌大局。

思之至詳。其能舉而行之。惟皇上之明。其不能舉而行之。惟諸臣之罪。時貼國危。謹竭愚誠。伏乞皇上聖鑑謹呈。

書既上。命總理衙門王大臣會議。並進呈所著日本變政考。俄彼得變政考。並進英人李提摩太所譯泰西新史攬要。列國變通興盛記。及列國歲計政要諸書。上置御案。日加披覽。於萬國之事更明。變法之志更決。日讀康書。知之更深。於時帝久欲召見康有爲。而爲恭親王所抑。不能行其志。及四月恭親王薨。翁同和謀於上。決計變法。開制度局而議其宜。選康有爲任之。乃於四月二十三日。下詔定國是。二十五日。下詔命康有爲預備召見。二十八日。遂召見於頤和園之仁壽殿。歷時至九刻鐘之久。向來召見臣僚。所未有也。康所陳奏甚多。帝曰。庶政因循。國事全誤。於墨守諸臣之手。朕豈不知。但朕之權不能去之。且盈廷皆是。勢難盡去。當奈之何。康奏曰。請皇上勿去舊衙門。而惟增置新衙門。勿黜革舊大臣。而惟漸擢小臣。多召見才俊志士。不必加其官。而惟委以差事。賞以卿銜。許其專摺奏事足矣。彼大臣向來本無事可辦。今但仍其舊。聽其尊位重祿。而新政之事。別責之於小臣。則彼守舊大臣。既無辦

事之勞。復無失位之懼。則怨謗自息矣。即皇上果有黜陟之全權。而待此輩之大臣。亦祇當如日本待藩侯故事。設爲華族立五等之爵。以處之。厚祿以養之而已。不必盡去之也。資格深者。遇事尙可備顧問。上然其言。此爲康有爲始觀德宗之事。卽維新變法之起點也。

自召見後。帝命其在總理衙門章京上行走。並許其專摺奏事。於是五月初一日康有爲復上一疏曰。

奏爲敬謝天恩。並統籌全局。恭摺仰祈聖鑒事。竊臣嶺海下士。才識闇愚。以時事艱難。屢次上書。冒瀆天聽。荷蒙皇上天地之量。採及芻蕘。頃乃蒙過聽虛聲。特予召見。垂問慰勸。至過時許。容其愚狂。寬其禮數。復令有所條陳。惟其專摺奏事。殊恩異數。皆非小臣所當被蒙。又蒙聖恩令在總理衙門章京上行走。隆天重地。稠疊有加。臣俯念時艱。仰感知遇。祇竭駑鈍。圖報涓埃。頃仰承聖訓。以國家之敗。歸罪守舊諸人。臣妄陳大計。誓承俞允。仰見聖明天縱。求治若渴。洞萬國之故。審時局之宜。此真中國之福也。四萬萬臣民之幸也。臣愚但有喜舞欣蹈。詠歌聖德。然皇上詢訪之盛意。臣何敢知而不言。臣今所欲陳者。曰統籌全局。以圖變法。御門營業。以定國是。開局親臨。以定制度三者而已。方今緊經外患之來。天下亦知舊法之敝。

思變計圖存矣。然變其甲不變其乙。舉其一而遺其二。枝枝節節而爲之。逐末偏端而舉之。無其本原。失其輔佐。牽連並敗。必至無功。夫物之爲體。合多質點而後成。室之可居。合多土木而後備。體不備謂之不成人。政不備亦爲不成國。故臣以爲不變則已。若決欲變法。勢當全變。如匠人築室。千門萬戶。必繪圖畫。則先定雛形。而後鳩工庀材。乃行興築。若全局未定。圖繪全無。聽甲言而爲杜爲檮。尺寸不知。又聽乙言而肯構肯堂。木石未備。磚瓦亂構。工匠雜陳。及其全局合龍。必致乖牾齟齬。而風雨驟至。庇託仍無。若夫縫人裁衣。必量全體之度。庖人調味。必酌醬醢之宜。若妄施刀剪。勢必顛倒裳衣。亂下鹽梅。以至難供刀匕。薄物猶爾。况於舉萬里之國而治之哉。故臣請變法。不欲言某事宜舉。某事宜行者。恐雖詔行。難收成效。必至與總督著。使館。海軍。船廠。電線。鐵路。礦務。製造廠。同文館。同爲守舊者藉口攻撓而已。故今欲變法。請皇上統籌全局。商定政體。自百司庶政。用人外交。並草具綱領條目。然後渙汗大號。乃與施行。本末並舉。首尾無缺。治具畢張。乃收成效。臣所請統籌全局此也。頃戶膠旅既割。內地權利盡失。危亡逼迫。若火燎原。皇上審時變法。發憤圖存。特下詔書。定國是。苦心明斷。天下共知。而諸臣惑於舊俗。謠謗紛紜。或庸人自知擯斥於維新。恐其富貴之難保。或僉人思媚於權貴。造擬謗而詆諆。交章飛文。變亂黑白。誣攻新政。貝錦如織。流言惑聽。害過流賊。或老耄舊學。自託清流。揆用夷變夏之言。持變亂祖制之說。劫民亂聽。

衆志獎惶。藐王言如弁髦。視綸音如草莽。臣惟三代大舉。亦復胥動浮言。盤庚遷殷。屢煩誓誥。戒以黜心從一。責其絕穢自臭。誓以祖父斷棄。嚴以剝殄無遺。蓋誓者經義所重。亦西國通行。昔聖祖高宗時。頻有御門之典。臣伏乞皇上誡日齋戒。特御乾清門。大集羣臣。相與勅誓。布誥天下。與民更始。咸令具名上表。盡革舊習。匪勉維新。其有不率。予之休免。其有造謠興謗。不奉新政者。上用盤庚剝滅之刑。旁採泰西謠謗之律。明罰勅法。刑幾無赦。庶變浮言可靖。衆志乃一。國是既定。而大勢咸趨。臣所請御門誓衆者此也。今天下言變者。曰鐵路。曰鑛務。曰學堂。曰商務。非不然也。然若是者。變事而已。非變法也。變一事者。微特偏端不舉。即使能舉。亦於救國之大體無成。非皇上發憤自強之意也。周公思兼三王。孔子損益四代。乃爲變法。臣所請者。規模如何而起。條理如何而詳。綱領如何而舉。節目如何而備。憲法如何而定。章程如何而周。損益古今之宜。斟酌中外之善。若者宜革。若者宜增。若者宜刪。若者宜改。全體商權。重爲草定。茲事體大。關國安危。舉措偶乖。必至齟齬。此非特開專司以妙選通才。不足以商鴻業而定巨典。今欲行新政。但聽人言。下之部議。尤重者或交總署樞臣。會議。然大臣皆老耄守舊之人。樞垣總署。皆兼差殷忙之候。求其議政詳善。必不可得也。臣前請用日本例開制度局於內廷。選天下通才任之。皇上親臨。日共商榷。其有變法之摺。並下制度局商議。擬旨施行。然後挈領振裘。目張網舉。新政可見。自強有效。臣所請開制度局者此

也。雖然以皇上之明。豈不知籌全局而全變哉。其有不能者。或勢有所限也。然人主有雷霆萬鈞之力。所施無不披靡。就皇上所有之權。行方今可爲之事。舉本握要。則亦可一轉移間而天下移風。振作人心矣。國勢危迫。不能需時。及今爲之。已遲不及事。惟皇上乾綱獨攬。速斷聖心。以救中國。天下幸甚。臣愚憂國。敢冒死竭拳拳。伏乞皇上鑒察。謹奏。

時定國是之詔既下。維新之議已決。而大臣等有所挾持。腹誹特甚。康有爲正月所上請開制度局及增置十二局之疏。交總署議覆者。至五月猶未覆。帝震怒。促其卽覆。至是覆上。盡行議駁。帝卽召見張蔭桓切責之。謂汝等盡駁康有爲之奏。汝等欲一事不辦耶。或另有強國之法乎。張叩頭俯伏曰。此事重大。非臣數人所能決。懇請再派樞臣會議。帝乃命軍機大臣會議。復議駁。帝怒復親書硃諭責之。發令再議。至六月始議上。然不過擇其細端末節准行而已。餘仍議駁。帝無如之何。蓋帝因太后在上。不敢自行其是。欲借廷臣之議以行之。所以屢次發議也。而廷臣亦知帝之無權。故敢於屢次駁斥也。先是康未召見以前。於三月時。開保國會於京師。士大夫集者數百人。御史潘慶瀾黃桂鋆李盛鐸屢疏劾之。既召見以後。禮部尙書許應騫御史文悌復疏劾之。帝不爲動。而許文二人反因此獲罪焉。自是忌者益甚。謠謗紛紜。

其誣辭不堪入耳矣。茲將康在保國會演說之語錄之。以饗閱者。

戊戌變法康有爲在保國會演說之語

吾中國四萬萬人。無貴無賤。當今日在覆屋之下。漏舟之中。薪火之上。如籠中之鳥。釜底之魚。牢中之囚。爲奴隸。爲牛馬。爲犬羊。聽人驅使。聽人割宰。此四千年中二十朝未有之奇變。加以聖教式微。種族淪亡。奇慘大痛。真有不能言者也。吾中國自古爲大一統國。環列皆小國。若緬甸朝鮮安南琉球之類。吾皆鞭箠使之。其自大也久矣。故在國初時。視英法各國皆若南洋小島。雖以紀文達校訂四庫。趙甌北劉記二十二史。阮文達爲文學大宗。皆博極羣書。而紀文達謂艾儒略職方外紀。南懷仁坤輿圖說。如中土瑤臺閩苑。大抵寄託之辭。趙甌北謂俄羅斯北有准噶爾大國。以銅爲城。二百方里。阮文達疇人傳不信對足抵行。今人環遊地球。座中諸公有踏遍者。吾粵販商估客。亦視爲尋常。而乾嘉時博學如諸公。尙未之知。至道光十二年。英人輪舟初成。橫行四海。以輪船二艘犯廣州。兩廣總督盧敏肅以三千師船二萬兵禦之而敗。盧公會平猿匪趙金隴者。宣宗成皇帝詔謂盧坤昔平趙金隴曾著微勞。不料今日無用至此。盧敏肅雖言洋船極大。而旣無影鏡燈片。宣宗無從見之。無能自白也。暨道光二十年。林文忠始譯洋報。爲講求外國情形之始。敗於定海舟山。裕謙牛鑑劉韻珂繼敗。艦入長江。而砲震天津。乃開五口。宣宗乃知洋人之強在船堅砲利。命仿製之。西人如何。實未知也。道光二十九

年。咸豐六年八年十年。屢戰屢敗。輸數千萬。開十一口。乃至破京師。文宗狩熱河。洋使入住京師。亦可謂非常之變矣。然而士大夫以犬羊視之。深閉固拒。同治三年斌椿遍遊各國。等於遊戲。無稍講求之者。曾文正與洋人共事。乃始少知其故。開製造局譯書。置同文館方言館招商局。文文忠乃遣美人蒲安臣與志剛孫嘉穀出使各國。首用洋人。如古之安史那金日磾。實爲絕異之事。當時欲遣京官五品以下正途翰林六齣出身入同文館讀書。最爲通達。而倭文端限之。自是雖輟車歲出。而士大夫深惡外人。蔽拒如故。甲申之役。張南關之功。日益驕滿。鄙人當時考求時局。以爲俄窺東三省。日本講求新治。驟強示威。必取朝鮮。曾上書請及時變法自強。而當時天下皆以爲狂。壬辰年傅蘭雅譯書事略。言上海製造局譯出西書。售去者僅一萬三百餘部。中國四萬萬人。而譯書者乃只有此數。則天下士講求中外之學者。能有幾人。可想見矣。非經甲午之役割臺償款。創巨痛深。未有肯翻然而改者。至此天下志士。乃知漸漸講求。自強學會首倡之。遂有官書局時務報之繼起。於是海內縉紛爭言新法。自此舉始也。然甲午之後。仍不變法。間有一二。徒爲具文。卽如海軍電線鐵路船局船廠。間有一二。然變其甲不變其乙。變其一不變其二。牽連相累。必至無成。其他且勿論。卽如被創之後。而兵未嘗增練。鐵艦不再購一艘。吾練營兵六十餘萬。八旗兵三十餘萬。實皆老弱。且各有業。託名伍籍中。泰西以民爲兵。吾則以兵爲民。何以敵之。若夫泰西立國之有本末。重學校講保民養民教民之

道。議院以通下情。君不甚貴。民不甚賤。制器利用以前民。皆與吾經義相合。故其致強也有由。吾兵農學校皆不修。民生無保養教之道。上下不通。貴賤隔絕者。皆與吾經義相反。故其宜弱也。故遂復有膠州之事。四十日之間。要挾逼迫者二十事。一德之強租膠州。人所共知也。其二則英欲借我款三釐息。而俄不許矣。其三欲開大連灣通商。俄不許矣。其四欲開甯甯通商。俄不許矣。其五借英款不成。而內河全許駛行輪船矣。其六西貢燒教堂。法索我償款十萬矣。其七姚協贊調補山東道。德人限二十四點鐘撤去矣。其八津鎮鐵路過山東。三電德廷。德不許矣。其九改道過河南。德亦不許。後請英美使言之乃許矣。其十請軍請俄教習。而訂明不歸統領節制矣。其十一俄教習去留。須候俄廷旨矣。其十二俄人勸逐德教習四人矣。其十三直隸山西東三省練兵。必須請俄教習矣。其十四長江左右釐金。盡歸稅務司矣。其十五德人既得膠州百里。復索增廣矣。其十六既得增廣。又索鐵路矣。其十七既得鐵路。又索全省矣。其十八既得鐵路又索全省商務矣。其十九俄人要割旅順大連灣金州矣。其二十法人索廣州灣。又訂兩廣雲貴不得讓與他國矣。此皆今年二月以前之事。其此後英之索威海。日本之訂福建。不得讓與別國等事。尚未及計也。夫築路待商之德廷。道員聽其留逐。是皇上之權已失。賈誼所謂何忍以帝王尊號爲戎人諸侯。二月以來。失地失權之事。已二十見。來日方長。何以卒歲。緬甸安南印度波蘭。吾將爲其續矣。觀分波蘭事。脅其國主。辱其貴臣。荼毒縉紳。真可爲吾

之前車哉。必然之事。安能僥倖而免乎。度印之被滅。無作第六等以上人者。自隆乾三十六年。至光緒二年。百餘年始有議員二人。香港隸英人。至今尙無科第。人以買辦爲至榮。英人之饑貧者皆可爲大班。吾華人百萬之富。道府之銜。紅藍之頂。乃多爲其一洋行之買辦。立待其側。仰視顏色。嗚呼。哀哉。及今不自強。恐吾四萬萬人。他日之至榮不過如此也。元人始來中國。嘗廢科舉矣。其視安南之進士。抱布買絲。有以異乎。故我士大夫設想他日。真有不可言者。卽有無恥之輩。發憤作二臣。前朝所極不。者。而西人必不用中人。以西人之官必有專門。非專學不能承乏也。若使吳梅村在。他日將並一教官不能得。安敢望祭酒哉。卽欲如熊開元作僧。而西教專毀像教。佛像佛殿。將無可存。僧於何依。卽欲蹈東海而死。吾中國無海軍。卽無海境。此亦非我乾淨土矣。倣貳臣不得。倣僧不得。死而蹈海不得。吾四萬萬之人。吾萬千之士大夫。將何依何歸何去何從乎。故今日當如大敗之餘。人自爲戰。救亡之法無他。只有發憤而已。窮途單路。更無歧趨。韓信背水之軍。項羽沈舟之戰。人人懷此心。只此或有救法耳。然割地失權之事。旣忌諱秘密。國家又無法入師丹之油畫院繪敗圖以激人心。薄海臣民。多有不知者。或依然太平歌舞。晏然無事。尙紛紛求富貴求保舉。或乃日暮途遠。倒行而逆施之。孟子曰國必自伐然後人伐之。故割地失權之事。非洋人之來割脅也。亦不敢責在上者之爲也。實吾輩甘爲之賣地。甘爲之輸權。若使吾四萬萬人皆發憤。洋人豈敢正視乎。而乃安然耽樂。從

容談笑。不自奮厲。弄吾輩自賣地而何。故鄙人不責在上而責在下。而責我輩士大夫。責我輩士大夫義憤不振之心。故今日人人有亡天下之責。人人有救天下之權者。考日本昔爲英美所陵。其弱與我同。今何以能取我臺灣。滅琉球而制朝鮮。得我償款二萬萬。此日本之兵強爲之耶。非也。其相伊藤。其將大山爲之耶。非也。嘗推考如此大事。乃一布衣高山正芝之所爲。高山正芝。哀國之衰不能變法。憤大將軍之擅政。終日在東京痛哭於通衢。見人輒哭。終以哭死。於是西鄉。吉田。藤田。蒲生秀實之流出而言尊攘。大久保利通。岩倉具視。木戶孝允。板垣退助。三條實美。大隈重信。出而談變法。日本乃盛強。至明治以後。日本實維新之功。乃贈高山正芝四品卿。賜男爵。凡物作始也簡。將畢也鉅。嗚呼。誰知日本之治。盛強之效。乃由一諸生無權無勇無智無術而成之耶。蓋萬物之生。皆由熱力。有熱點故生諸天。有熱點故生太陽。太陽熱之至者。去我不知幾百萬億里。而一尺之地。熱可九十四方馬。故能生地。能生萬物。被其光熱者。莫不發生。地有熱力。滿腹皆熱汗火汁。故能運轉不息。醫者視人壽之長短。察其命門火之衰旺。火衰則將死。至哉言乎。故凡物熱則生。熱則榮。熱則漲。熱則運動。故不熱則冷。冷則縮。則枯。則乾。則夭死。自然之理也。今吾中國以無勤爲六。無一事能舉。民窮財盡。兵弱士愚。好言安靖而惡興作。日日割地削權。命門火衰矣。冷矣。枯矣。縮矣。乾矣。將危矣。救之之道。惟增心之熱力而已。凡能辦大事復大仇成大業者。皆有熱力爲之。

其心力弱者。熱力滅敵也。胡文忠謂今日最難得者是忠肝熱血人。范蔚宗謂桓靈百餘年傾而未顛。危而未墜者。皆由仁人君子心力之爲。凡古稱烈士志士義士仁人。皆熱血人也。視其熱多少以爲成就之大小。若熱如燈火如燈則微矣。並此而無之。則死矣。若如一大火團。至百二十度之沸度。則無不灼矣。若如日之熱。則無所不照。無所不燒。熱力愈大。漲力愈大。吸力愈多。生物愈繁。長物愈大。故今日之會。欲救亡無他法。但激厲其心力。增長其心力。念茲在茲。則燭火之微。自足以爭光日月。基於盜傷。流爲江河。果能合四萬萬人。人人熱憤。則無不可爲者。奚患於不能救哉。

自戊戌四月初十以後。帝日與翁同龢謀改革之事。榮祿疑忌之。遂日謀廢立之事。四月二十三日。帝下詔。誓行改革。二十五日。下詔命康有爲等於二十八日。覲見。而二十七日。太后忽由頤和園交出硃諭一道。令帝宣布。其諭畧云。協辦大學士戶部尙書翁同龢。近屢次經人奏參。且於召對時。出言不遜。漸露攬權狂悖情形。本當從重懲處。姑念在毓慶宮行走多年。著加恩准其開缺回籍。以示保全。欽此。帝見此詔。戰栗變色。無可如何。不敢不爲之宣布。然翁同龢一去。帝之股肱頓失矣。此四月二十七日事也。同日。並下有數道諭旨。皆出太后之意。其一命凡二品以上官。授職者。

皆須到皇太后前謝恩。其二命王文韶裕祿來京。張之洞毋庸來京。其三命榮祿爲直隸總督北洋大臣。而九月間皇上奉皇太后巡幸天津閱兵之舉。亦以此日決議矣。然而榮祿之不入軍機而爲北洋大臣何也。專爲節制北洋三軍也。北洋三軍曰董福祥之甘軍。曰聶士成之武毅軍。曰袁士凱之新建軍。此三人皆榮祿所拔擢。三軍皆近在畿輔。榮祿諷御史李盛鐸奏請閱兵。因與太后定巡幸天津之議。蓋榮祿欲脅皇上至天津。因以兵力廢立。此意大臣中多爲皇上危。而無敢進言者。

初二三月間。榮祿嘗欲聯合六部九卿上表。請太后復行垂簾訓政。先謀之於兵部尙書徐郃。徐郃曰。公見固自有理。其奈清議何。事遂沮。李盛鐸又欲聯御史連署請垂簾。奔走數日。不能得。有兩人皆模稜兩可。亦不能成。及巡幸天津之議既定。遂不復謀此事矣。自此議定後。不復防閑。一聽帝之所爲。故帝數月以來。反因此得有一二分之主權。以行改革之事。當帝之改革也。一般頑固大老。及內務府諸人。多往頤和園。跪請於太后。乞其禁止。皇上太后笑而不言。有涕泣固請者。太后笑且罵曰。汝等管此閑事何爲乎。豈我之見事猶不及汝輩耶。何糊塗竟至此乎。自此無以爲言。

者或問於榮祿曰。皇上如此妄爲。變亂祖制。可奈何。榮曰。姑俟其亂鬧數月。使天下共憤。罪惡貫盈。不亦可乎。蓋彼之計畫早已定。故不動聲色也。自四月以來。北京謠言極多。皆言皇上病重。初言患淋症。繼言患腹瀉症。繼言患遺精症。繼言患咳嗽咯血症。皆自內務府太醫院傳出。日日有脈案藥方。發抄各署。於是謠言四起。或言張蔭桓進紅丸。或言康有爲進紅丸。亦不知紅丸係何藥也。但帝病重果若此。豈能日夜辦理新政。召見大小臣工。且間數日必詣頤和園向太后前請安。病重之人能如是耶。有人問軍機大臣王文韶云。皇上之病實如何。王曰。吾日日見皇上。實不覺其有他病。但有肝病耳。蓋帝每怨諸臣之疲玩。常厲聲責之。故王謂其肝火盛也。譚嗣同召見時。當面詢皇上病體若何。帝言朕向未嘗有病。汝何忽問此言。譚乃惶恐免謝云。觀於此。則帝之無病甚確矣。然而彼造作此言者。其用意之所在。不言而喻矣。戊戌六月。大學士孫家鼐上疏。請派康有爲督辦上海官報。蓋軍機大臣授意欲出康使居外。以翦帝之羽翼也。帝遂下諭命康辦官報。而又令其將所著各書進呈完畢。然後出京。蓋避嫌疑而欲保全之也。至七月。特擢楊銳林旭劉光第譚嗣同四人。

爲四品卿。參預新政。蓋因楊銳劉光第皆保國會會員。湖南巡撫陳寶箴特爲奏保。才堪大用。林旭則康之弟子。而譚嗣同爲康所最親信之人也。此帝因太后及大臣疑忌。不敢令康召見。特擢此四人。輔助變法之事。其用心之苦。有非外人所知者。自此帝有所詢問於康。則命四卿傳旨。康有所陳奏。亦由四卿密陳。不復由總署大臣傳之矣。七月二十三、四之間。有湖南守舊黨舉人曾廉。上書請殺康。有爲等指其大逆不道。條列而上之。帝非惟不加其罪。猶恐太后見之。命譚嗣同將其原摺接條駁斥。然後以呈太后。蓋所以保全之者無所不至矣。然其時變象已成。未及數日。卽有上諭。促康速赴上海。辦理官報。以俾之行。其曲折保全之意。出於意表。無怪乎康之不忘其德也。先是七月初間。帝忽語慶親王云。朕誓死不往天津。七月中旬。天津罷行之說。已宣傳於道路。當時適值革禮部六堂官。擢軍機。四京卿之時。守舊黨側目相視。七月二十間。滿大臣懷塔布立山等七人。同往天津謁榮祿。越數日。御史楊崇伊等數人。又往天津謁榮祿。皆不知所商何事。而榮祿遽調聶士成之軍五千人駐天津。又命董福祥之軍移駐長辛店。七月二十九日。帝召見楊銳。是日有旨命袁世

凱入京。八月初一日召見袁世凱。即日超擢爲侍郎。並令專辦練兵。初二日復召見袁世凱。是日又召見林旭。御史楊崇伊。張仲忻等。亦於是日詣頤和園上封事於太后云。初三日榮祿忽有電報達北京。言英俄已在海參崴開戰。現各國有兵船十數艘在塘沽。請即遣袁世凱回天津防堵。袁世凱即於初四日請訓出京。而帝命其初五乃行。於初五日復召見袁世凱。是夕榮祿忽來京。至初六日而遂有太后垂簾志士逮捕之事。前於二十九日之召見楊銳。初二日之召見袁世凱也。帝皆賜有硃筆密諭。二十九日之諭係賜楊銳。及康有爲。譚嗣同。林旭。劉光第等五人。初二日之諭係專賜康有爲。初五日之諭係專賜袁世凱云。聞袁世凱既退朝語人云。皇上若責我以練兵。我不敢不奉命。若他事則非我之所知也。故當時北京之人。咸疑帝之三密詔中皆與諸臣秘密廢幽太后之事。然以德宗之大孝。豈能有此而政變之時。權臣藉此以爲謀。圍頤和園之僞詔。以誣汚帝者。其良心何在哉。後康有爲將前兩諭宣布。不過託諸臣保護及命康迅速出外等語。然則袁之密諭亦無廢太后之事。可想而知。今將賜康有爲等之兩諭揭載於下。（朕惟時局艱難。非變法不能救中

國。非去守舊衰謬之大臣而用通達英勇之士不能變法。而皇太后不以爲然。朕屢次幾諫。太后更怒。今朕位幾不保。汝康有爲楊銳林旭譚嗣同劉光第等。速籌善法。保護朕躬。朕十分焦灼。不勝企望之至。特諭。（此七月二十八日。諭康有爲楊銳林旭譚嗣同劉光第五人由楊銳帶出）

（朕今命汝督辦官報。實有不得已之苦衷。非楮墨所能罄。汝可迅速出外。不可延遲。汝一片忠愛熱腸。朕所深悉。其愛惜身體。善自調攝。將來更效馳驅。共建大業。朕有厚望焉。特諭。）（此八月初二日。諭康有爲一人由林旭帶出。至宣統元年。楊銳之子有繳呈監國。德宗所賜伊父楊銳手詔一道。大畧謂。頑固守舊大臣。朕固無如之何。然卿曹宜調處其間。使國可富強。大臣不掣肘。而朕又上不失慈母之意。否則朕位且不保。何有於國。（此詔已命付實錄館矣）

自八月初六日。太后垂簾之詔既下。密諭急拿康黨。時康已赴上海。中途爲某國兵船救去。梁亦幸脫虎口。惟譚嗣同。劉光第。康廣仁。楊銳。林旭。楊琛秀。誓死不行。遂被逮。同交刑部。八月十三日。六烈士同斬於市。

先是譚嗣同之初入京也。與言皇上無權。太后阻撓之事。譚不之信。及七月二十七日。皇上欲開懋勤殿設顧問官。命擬旨。先遣內侍捧歷朝聖訓授之於譚。並傳帝旨。言康熙乾隆咸豐三朝。有開懋勤殿故事。令查出引入上諭。蓋將以二十八日親往頤和園。請令太后云。譚退朝。乃告同人曰。今而知皇上之無權矣。至二十八日。京朝人咸知懋勤殿之事。以爲今日諭旨將下。而卒不下。於是益知太后與帝之不相融矣。二十九日。帝召見楊銳。遂賜密詔。有朕位幾不保。命康有爲四卿速設法保護之語。譚與康捧詔慟哭。而帝手無寸柄。無所爲計。時諸將之中。惟袁世凱久使朝鮮。講中外之故。力主變法。譚密奏請帝結以恩遇。冀緩急可以爲助。詞極激切。八月初一日。帝卽召見袁世凱。特賞侍郎。並予以專辦練兵之權。初二日復召見。初三日夕。譚徑造袁所寓之法華寺。直詰袁曰。君謂今上如何人也。袁曰。曠代之聖主也。譚曰。天津閱兵之陰謀。君知之乎。袁曰。然。固有所聞。譚乃直出密詔示之曰。今日可以救我聖主者。惟在足下。足下欲救則救之。又以手自撫其頸曰。苟不欲救。請至頤和園。首僕而殺僕。可以得富貴也。袁正色厲聲曰。君以僕爲何如人哉。聖主乃吾輩所共

事之主。僕與足下同受非常之知遇。保薦之責。非獨足下。若有所教。僕固願聞也。譚曰。榮祿密謀。全在天津閱兵之舉。足下及董聶三軍。皆受榮祿所節制。將挾兵力以行大事。雖然。董聶不足道也。天下健者。惟有足下。若變起。足下以一軍敵彼二軍。保聖主。復大權。清君側。肅宮廷。指揮若定。不世之業也。袁曰。若皇上於閱兵時。疾馳入僕營。傳號令以誅奸賊。僕必能從諸君子之後。竭死力以補救。譚曰。榮祿遇足下素厚。足下何以待之。袁笑而不言。袁幕府某曰。榮賊並非推心待慰帥者。其某公欲增慰帥兵。榮曰。漢人未可假大兵權。蓋向來不過籠絡耳。卽如前年胡景桂參劾慰帥一事。胡乃榮之私人。遣其劾慰帥。而復查辦昭雪。之以市恩。旣而胡卽放甯夏知府。旋陞甯夏道。此乃榮賊心計險極巧極之處。慰帥豈不知之。譚乃曰。榮祿固草莽之才。絕世之雄。待之恐不易。袁怒目視曰。若皇上在僕營。則誅榮祿如殺一狗耳。因相與言救主之條理甚詳。袁曰。今營中鎗彈火藥。皆在榮祿之手。卽營哨各官。亦多屬舊人。而九月閱兵。屈指不過旬餘日。事迫矣。旣定策。則僕須急歸營。更選將官。預先備貯彈藥。則可也。乃叮嚀而去。時八月初三夜漏下矣。至初五日早。袁復召見。至

夕袁往天津。而榮祿忽來京。初六日變遂發。

初譚之見袁也。林旭聞之。深不謂然。作一小詩代簡致之。譚等曰：（伏蒲泣血。知何用。慷慨何曾報主恩。願爲公歌千里草。本初健者莫輕言。）蓋指東漢何進之事也。及變起同死焉。帝亦入於瀛臺矣。

政變時康有爲脫身始末記

康既被德宗知遇。於變法興革一切事宜。盡力條陳。而帝覽奏極速。一日瞭然。復行追問。繕寫不及。故康屢蒙召見。以便面加垂問。朝臣多忌之。故事。凡皇上有所勅任。有所賞賜。皆當詣宮門謝恩。若賜召見。則入叩見焉。康之奉旨督辦官報局。及著書賞銀二千兩。均當謝恩。其弟廣仁勸之勿往。言近日風聲不佳。兄若屢見皇上。愈增內外之疑。而速其變。不如勿往。祇上摺謝恩足矣。故康自七月以後。上書漸少。亦未覲見。惟於所進呈之書。言改革之條理而已。康本擬俟天津閱兵後。再往上海辦理官報。而八月初二日。忽奉諭旨。令康迅速出京。赴滬辦理官報。初三日。又奉密詔。敦促。康不敢留。初四日。遂出京。至津。初五日。夕。由津乘火車至塘沽。而招商局新濟輪

船正當次早出口。遂令從人購得船票。及上船後。坐未移時。忽有人送到密信。康始知京中之變。已電諭南北洋大臣一體嚴拿。於已北洋已派招商局總辦黃花農。率兵將至。康驚疑失色。蓋未料事變之急也。遂不敢坐新濟輪船。改坐太古重慶輪船而去。雖暫脫洋沽之難。而上海道蔡和甫已接北洋大臣嚴捕康梁之電諭。已飭上海縣王愛棠。暨英法美三租界會審委員。並函請奇兵營滬軍營兩統領。又照會英法美三國領事。各派差役巡捕兵丁人等。先至官報局搜查。並無康梁。遂率一班人衆及中西探捕。海關稅務司巡丁人等。駛赴吳淞口。守候進口輪船。以便嚴密查拿。初八早。順和怡生富平三輪船前後進口。蔡道指揮人衆。分別上船搜查。欽犯兵役肆意而爲。船主不堪其擾。及至搜察已畢。毫無影響。始下船而去。順和怡生兩船主大不以為然。以為中國官兵紛上英船搜人。任意騷擾。不第有妨外人商業。且於英國體統大有關礙。及船抵碼頭。順和怡生兩船主。首先往告英領事一切情形。並請以後不可聽從中國官場如此辦理。英領事當即允諾。蔡道以次所有官弁兵役。是日由吳淞駛回上海。蔡回署後。將梁已逃脫。並將駛赴順和怡生富平三輪船搜

康亦未見其乘坐該輪船到滬等語。電稟北洋大臣。一面飭人打聽。次日果係何詐。船進口。旋即據報。有招商局新濟太古重慶兩輪船同日進口。蔡道當晚即照會各國領事簽字。請其派同中西捕探協拿。英領事不允簽字。蔡復親至英領事署面商。謂此係奉旨捉拿欽犯。不能使其漏網。務請照章簽字。派人協拿。英領事答稱英國向無此例。雖貴國欽犯奉旨捉拿。但我國無上船搜拿之例。且於英國體統大有關係。礙難照行。交涉至再。英領事堅持不可。無奈只得仍回衙署。至初八日一早。仍飭上海縣並函請滬軍奇兵各營。派令通班差役兵丁人等。齊赴吳淞口等候。約至上午十點鐘。新濟已到。蔡等分別乘坐小火輪迎將上去。不一刻。新濟已經進口。蔡即率領人衆。上新濟輪船。搜查殆遍。仍無影響。復至新濟買辦處詢問。有無其人。是否乘坐此船來滬。該買辦答道。初五日康有爲本來乘此船。復將行李搬下而去。彼時未知有奉旨捕拿之信。遂任其改坐重慶去矣。蔡急問重慶輪船何時由天津開駛。買辦道。重慶輪船亦於初六開。大約今日午後可到。蔡聞言。只得帶領人衆下船而去。新濟亦復起錨。駛往上海而來。蔡等待到午後一點餘鐘。見重慶輪船已經進

口復偕人衆乘坐小火輪。開往重慶輪船。因重慶輪船並不停輪。直望上海而去。小火輪亦不便擺泊。蓋燕領事照會不能令其拋錨。只得傳令小火輪開足快機。抄前趕往上海。太古碼頭等候重慶輪船。既至。蔡道偕同文武官員。督飭兵丁。上船搜查。均被船上洋人攔阻。因搭客紛紛下船。殊形擁擠。不能逐一檢視。及至該船攬定。人皆下船。前後遍查。毫無影響。蔡復詢該船買辦。有康有爲其人。該買辦云。在先却不知康有爲是何等樣人。當此船未進吳淞口時。有英國旌號小輪一艘。逆流而上。船上有西人數名。一見此船。即通語旂招呼此船。暫停片刻。本船停輪後。即有西洋人過船。各持利刃一柄。內有一洋人。手執照片一張。先問船主。有此人否。船主見是駐滬英兵艦。在吳淞口外三夾水停泊輪船上之人。遂轉詢帳房。此人住在何處。帳房即告知船主。此人在第三號房內。於是船主帶領西洋人至第三號房。見內有四人。復將照片取出核對。遂將與照片上面目一樣之人。並隨從人等。帶至大餐房內。密語一分鐘之久。復出。將行李等物一同搬下小火輪而去。去後。此船開駛進口。方聞船主云。此係奉旨嚴拿欽犯康有爲。現在船中尚有考籃一隻。蔡等聞言。萬

分焦急。只得將考籃帶回衙署。搜查籃內。並無緊要物件。當即據情電稟北洋大臣。請不辦理。是時捕拿康黨之手。已哄動街市矣。

次日英國報館。即載出新聞。畧言。康有爲自從重慶輪船被西洋人帶走之後。即由西洋人送至英國郵政公司船上。並與該公司船主言明其故。康有爲就在公司船上住下。西洋人將康有爲安頓妥當。遂乘小火輪。復回兵艦銷差。當日郵政公司船並未開駛。尙在口外停泊半日之久。至晚。又有康之同黨數人。乘坐小火輪。至該公司船上。見康叙話。康即請見彼數人。一見康。即代賀喜曰。何幸得免於難。自此以往。皆坦途矣。康曰。荷蒙一切。某所以得慶重生。皆諸君子之所賜。但日來上海若何情形。梁啓超曾否得免於難。請道其詳。衆答云。梁於初六由津來電。當晚即收拾離上海。時上海各官尙未得有京電。外人亦不得而知有此變局。迨初七日。上海道得有北京來電。當即照會領事簽字。派令中西探捕。協同搜查。一面由上海道飭知上海縣。並移知滬軍奇兵二營往捕。初八日。怡生順和富平三船進口。上海道等上船搜查。此時上海業已週知。鄙等頗代焦急。恐兄坐此三船來滬。後聞並無其人。鄙等方

始放心。聞當上海道等上船搜查時。順和怡生兩船主云。外國商船不能聽中國官場如此鬧法。有礙英國體統。卽由該兩船主往見英國領事。請其以後不可在照會上簽字。尤其協拿。英領事當卽允諾。幸而有此一舉。否則不堪設想矣。及至初九日。重慶船進口。上海道又照會英領事。請其簽字。英領事不准。上海道無法。只得罷議。同日有新濟船進口。上海道等亦往吳淞口等候。新濟於上午進口。上海道等在吳淞口登新濟船搜檢。並無影響。詢問該船買辦。據云。本坐新濟。後有同鄉數人上船。囑令將行李搬下。改坐重慶。上海道聞說。仍在吳淞等候重慶輪船進口。既至。官兵乘坐小火輪。欲上重慶船搜檢。彼時重慶船不肯停輪。上海道令將小火輪開足快機。抄先駛往上海。以待重慶傍岸時搜查。及至重慶傍岸。上海道等上船尋找。仍無影響。彼時鄙等亦在重慶船上探聽。後見上海道詢問買辦。方知兄已在口外被英兵艦上之西人帶去。鄙等聞此。心始稍安。所以特地前來見兄問候。但不知彼西洋人與兄有何交情。遽能出此大力。康曰。某亦與彼西洋人素不相識。而從中援我者。定有其人。此時雖不得知。以後自然知道。承諸君關切。某自身雖已脫離虎口。但不

知家慈能免於難否。極爲憂念。衆答曰。鄙等早經電話友人。請其代護伯母寶眷。想已搬往香港去矣。言畢遂辭而去。郵政公司船。直至初十日一早。始行開駛。當公司輪船開行之時。駐滬英領事尤恐途中多有窒礙。又堅託英國愛司克兵船。妥爲保護。先行送出大洋。愛司克進口以後。復又派飛尼格司兵船沿途護送。直至香港。恐中國巡海兵船在半途盤詰云。英國新聞紙又云。據旅滬旅津各處英人。皆言康有爲因力勸變政。主議維新。致遭譴責。此之謂國事犯。各國均有保護之權。不但中國如此。在歐羅巴同洲各國也得通行相待。何況中國與各國向未有彼此交犯條約。我西洋人既將康有爲保護前去。雖中國向政府討索。亦但能告知康有爲現在何處。不能交出本人。所以我西洋人某君。特爲保護。自初十日。於吳淞口外。請由英兵艦某右駛往重慶輪船。將康有爲保守。代爲搭附英國公司波刺辣輪船。先往香港。復由英領事派令英兵艦飛尼格司。沿途護送。及至半途。又有香港領事。派令般拿雲超戰艦來接。於十四日下午五句鐘。開抵香港洋面。先有香港梅緝捕。及及署華民政務司。率領差役多人。乘坐小火輪。開至鯉魚門外迎接。至七點鐘。遙見波刺辣

輪船駛進口門。先行打通語旂招呼。波刺辣公司輪船停輪奇艇。梅緝捕。華民政務司等。即過波刺辣船上。至康有爲房艙內相見。彼此見禮畢。坐談片刻。梅緝捕首先問道。疊接駐滬領事來電。飭令我等妥爲保護。今迎接來遲。尙望見宥。康有爲道。蒙貴國領事多情衛護。又蒙諸君雅誼。感甚。某虎口餘生。若非貴國駐滬領事預先保護。已不知如何光景。華民政務司云。但不知足下所爲何事。致貴國各官如此不容。康有爲道。一言難盡。所謂欲加之罪。何患無辭。當容細告。梅緝捕。華民政務司。卽邀康有爲及隨從等。過小火輪。同至馬禮捕碼頭。一齊登岸。早有輿轎三乘。在岸伺候。梅緝捕。華民政務司。復同康有爲。肩輿至總緝捕房下轎。齊至裏面。又有西人多名。與其相見。康有爲一一答禮畢。大家坐下。內中卽有兩西人。詢問中國變局。究因何事。不能容留足下。追捕如此嚴密。請道其詳。康有爲道。雖係咎由自取。實係上爲國家。無如讒譖者多。致遭譴責。若非貴國領事。暨諸君子多情保護。竟無地可容。死而後已。各西人又問。究竟因何事。見妬貴國權貴。康道。某因我國自甲午與東洋戰後。損兵割地。賠款求和。稍有血氣之人。無不引以爲恥。咸痛罵文武各官。坐享厚祿。自

保身家。不能爲國家稍盡心力。致使堂堂大國。辱國喪師。舉國人民。大半如此憤激。在彼稍有權力之各大臣。各當道。雖知人民共憤。終不肯痛除積弊。以冀自強。仍自置若罔聞。因循迂謬。某一時憤激。自謂國家至此。已是孱弱不堪。若再不圖自強。尙不知伊於胡底。因此某一意奏請變政。籲懇我大皇帝有鑒於日本。效法於泰西。革新庶政。力圖自強。我大皇帝天武神姿。有心振作。所上條陳均蒙俯允。彼時卽有墨守成規之輩。以爲有乖定制。大不爲然。屢次奏辯。不能更改。幸蒙我大皇帝一槩置之不理。深以某奏請變政爲然。由是諭令某條陳新法。某卽竭誠條奏。諸如變法維新一切興革事宜。俱蒙我大皇帝採擇。因此朝中各大員。見各新政。如果通行。於自家多有違礙。又見引用新進。必能通達時務。彼一般拘守成墨。暮氣已深之官。必致廢而不用。雖明知有利於國事。特不利於身家。所以多方阻撓。紛紛奏議。或言顯背祖宗遺制。或云大有礙於民生。甚有搗參某。癡惑君心。大逆無道。自春徂秋。不知費許多筆墨。許多唇舌。務要將某設法處置。以便彼尸位素餐之輩。保持權利。以圖自便而後已。國之強弱。彼等不問也。無如我大皇帝力圖自強。洞悉諸臣詭計。一概

不准。又革去兩名大臣。因此彼同朝諸大臣更加忌妒。恨不能食某之肉。寢某之皮。總想置某於死地而後快。遇事便進讒言。加譖謗。甚至譖某爲保中國不保大清。謀爲不軌。以冀君上加罪。至初四日早間。某出京原奉我大皇帝之命。赴滬辦理官報。初五日晚忽聞嚴拿之信。某不得不暗地而逃。爲國亡身。本係人臣應有之事。但含冤莫白。雖捨命捐軀亦無益於君上國家也。今承諸君不棄。問某所爲何事。某雖至此實在夢中。亦不知究爲何事。以致獲譴。然以鄙意揣度。恐不免仍爲讒人高張之故耳。賢士無名。何堪痛恨。據當時新聞報紙如此云云。

是時榮祿已令飛鷹獵艦兩兵輪由津加緊追康。趕至上海。方知康爲西人救去。遂據實稟報北洋大臣。請示辦理。榮怒甚。遂奏請飭由總署向駐涼英使詰問。而英使答以國事犯。各國均應保護云云。榮無法。康竟逍遙海外矣。

康有爲游歷法國記要

康氏游歷各國其經歷記述。多不勝錄。僅取一二。藉可警悟吾人者。錄之以饜閱者。法國欽規味博物院游記。此院一千七百年。路易十四所開。來游此乎。則傷心處矣。

鄒鼎入於魯廟。大呂移於齊臺。中國內府圖器珍物在此無數。而玉璽甚多。則庚子之禍也。嗚呼。觀內府玉印。晶印無數。其屬於臣下者不可勝錄。今但摘御璽錄於下。一太上皇帝歸政仍訓政玉印一盒。凡三印。其一文曰。得遂初心。蓋高宗授位睿。皇後之印也。吾觀此傷痛歸政仍訓政之夕。在當日為創制古今未有之盛事。不意今日取法為篡廢之奸謀。以此之故。數千年之珍寶。乃至祖宗之傳授玉璽。皆不保。而流於敵國。此物之在此。為此故也。中國幾亡。黃種幾滅絕。為此故也。吁。

太上皇帝
歸政

碧玉紐
長寸半
篆文

太上皇帝
歸政仍訓政

碧玉紐
長寸半
篆文

得遂初心

長寸
圓篆文
三印共
一盒皆
碧玉

乾隆
御筆

白玉方璽高廣二寸 篆文 二龍爭珠紐 雕鏤極精

嗚呼。高廟雄才大畧。每日必作四千言。想下此印時。鞭笞一世。君權之尊。專制之威。於是為極。並世無同尊者。遂以結中

國一統帝者之局。豈意不及百年。此璽流落於此。昔在北京觀御書無數。皆蓋此璽

文而未得見。又豈意今日摩挲之。豈止金銅仙人辭漢之歌而已耶。

八	之
徽	寶

青白玉方璽 高廣二寸 篆文

高廟有詩曰。八旬天子古六帝。四代曾孫予一人。福壽至隆。結大地大帝之局。此後即地球合一。亦必無此尊崇。此時中國閉關熙熙。自樂自大。豈知爾時法國革命大起。華盛頓忽興華忒之機器。大行大地大通而大變。在日用此寶時耶。禍福無端。消息盈虛。與時偕行。豈可以目前定之哉。故君子不自滿假。居安思危。處常思變也。


此二玉璽皆最美。他璽不及。非盛時安得有此耶。觚哉。觚哉。

保	太
合	和

碧玉璽 方二寸半 疊紐 篆文

猶	攷
日	攷

綠玉璽 方二寸 厚半寸 虎紐 篆文




白玉璽 方二寸
龍雲紐 篆文



碧玉璽 方一寸半
龍雲紐 篆文
此批禮刑部奏疏之璽也



漢玉印 壺蘆樣
長二寸 篆文



綠白玉璽 方廣寸半
篆文

圓明園燬於庚申之役。是役法國砲焉。此璽或庚申流莖。嗟乎。京邑兩失。淋鈴再聽。而不之戒。豈非安其危而利其災耶。苟不若此。國安得亡。觀璽凄然。記十年前遊圓明園。雖蔓草斷礫。荒涼滿目。而壽山福海尙有無數殿亭。有白頭宮監守之。竟日僅遊其一角。有白石樓一座。樓二層。玲瓏門戶。刻劃花卉。並是歐式。蓋聖祖所創。當時爲南懷仁湯若望之流。所日侍處也。聖祖疏通知遠。早創此式。以廣魯於天下。孔子

之爲明堂制也。上圓下方。三十六牖。七十二戶。皆爲歐美之先河。惜後世不香讀書。誤守屋卑汚方之舊。而爲歐人所輕也。錄康氏巴黎觀圓明春山玉璽思舊游感賦。

宮苑深深老柳臥。荷花開盡無人過。葦橋渡入福海中。白石臺殿倚白松。白頭宮監獨守護。淒然僵柏起長風。蔓草荒煙堆瓦礫。玲瓏白閣猶奕奕。門戶萬千盡歐式。聖祖手作著象懋。憶昔霓旌幸苑時。疇人南湯來待值。壽山春日饒物華。輦路繁花好顏色。維利遠道圖理琛。荷蘭貢入量天尺。當時威廉始入英。人民不及五十億。歐土文明未開化。惟我威靈照八極。百年之間新世變。汽船鐵軌通重譯。惜哉閉關守長夜。竟爾絕海召強敵。阿房一炬光巨大。熱河三年淚沾臆。小臣步履傷懷抱。手撫銅駝歎刑棘。豈意京邑兩邱墟。玉璽落此無人識。雨夜淋鈴幾度聞。追思故苑灑春雲。春宮鶯囀春花落。玉泉飛落開池閣。普陽已敗獵一圍。燕子重箋恨十錯。五鳳樓頭胡馬來。秦晉西行日色薄。素衣敝盡豆粥無。歸來歌舞又重作。道臣萬里游巴黎。摩挲遺璽心淒淒。尙想承平春苑道。千官擁從豹尾廳。黃幄龍旗繞朝暉。八校無譁萬馬蹄。

懋勤殿

碧玉璽長
方寸半
篆文

殿在乾清宮側。上日讀書閱奏疏於是。戊戌七月。上銳意變法。欲召集新政諸臣入懋勤殿行走。以順顧問。議大政。蓋用聖祖用高江村

徐東海入南書房之例也。咸豐之時。用何秋濤郭嵩燾入直。當時號稱二鳳齊飛。故李苾園尙書以爲請。議以此殿爲樞密之內議院。議選海內名士咸集於是。吾弟幼博亦被薦預焉。上發十朝聖訓與譚復生。檢閱故事。而後發詔。將大渙汗。改元維新。事未定而難作。吾既遠亡英國。而此殿玉印亦流落絕域。覩此。嗚痛得詩（憶昨維新變法時。延英選士贊黃扉。明堂大啓咨羣議。草澤旁求助萬機。豈料羣龍成血戰。當年二鳳話齊飛。淒涼回首懋勤殿。玉璽遷流國事非）其如意甚多。有翡翠全枝者極美。磁者極清雅。其銅鐵如意不可數。有綿恩所寫佛經甚精。絲恩仁宗皇子也。封定郡王。好事。頗有名於時者。又遊乾那花利博物院。乾那花利博物院。自一千八百七十九年所開。亦傷心地也。院爲圓式。內府珍器。陳列滿數架。凡百餘品。皆人間未見之瓌寶。精光射溢。刻籀精工。有碧晶整塊。大五六寸。一白玉大瓶。高尺許。一白

玉山亦高尺許。所刻峰巒樓閣人物甚精。其五色玉盤玉池玉屏玉磬羅漢玉香椽皆精絕。亦多有刻字者。玉瓶凡十一。大小不一。尤華妙。有玉刻綺春園記十簡。面底皆刻龍甚精。一白玉羊大三寸許。尤佳。如意亦百數。以紅玉鑲碧玉及白玉者最佳。有一純白玉者。至清華矣。其他水晶如意磁如意亦極清妙。其銅鐵如意尤多不可數。其刻漆堆藍雕金之屏盤杯盃白器甚多。皆非常之寶。其御製磁有字者甚多。有御書印心石屋墨寶六幅。金紙印心石屋圖二幅。亦刻龍。齋戒龍牌一。封妃嬪寶牒一。其他晶石漆瓶盤人物無數。皆吾中國積年積世之精華。一旦流出。可痛甚哉。吾游街衢。過路易十六之墳。方廣數丈。式如神龕。其從官兵九百餘人。從死者與革命之及倫的黨諸名士。見殺者並葬於此。民具爾瞻。亦千古之大鑒矣。孟子曰。暴其民甚。則身弑國亡。此放桀殺紂之辜社太白旗也。流墮於茲。周公共和。我固有此故事。特法之。變流血尤多。震驚歐土波及東洋。罷棄君權。改行憲政。大地數千年來。爲升平之第一關鍵。則其波瀾浩漫。殆世界近事未有大於是者也。惟路易十六自開議院。究非暴君。乃遭滔天之大禍。而爲專制君主之永鑒。斯爲不幸也。

復辟時康氏之真象

復辟之謀雖起於張勳。而主持最力者爲萬繩棧。萬爲張之參謀長。富有謀畧。稱大帥幕府人才第一。張倚爲腹心。言無不從。去歲兵諫事起。張勳之初意。祇以調人自居。冀以增重其名譽。萬獨以爲時機已熟。必欲達其夙志。張到京後。見唱反對復辟者尙多。以爲時機未至。萬則朝夕慫恿。謂爲不可緩。張志遂決。電達康氏。邀其來京贊助。康到京後。頗獻策於張勳。勸張行虛君共和。復辟清帝用中華帝國名號。其餘均勿更張。內政外交較易維繫。並擬草詔數事。張持以示萬。萬不謂然。事遂沮。故康之計劃未得行。其所擬草詔亦均見排未用。六月三十日夜三點。實行復辟。七月一日登極詔始發表。二日授康弼德院副院長。三日賞給頭品頂戴。又加恩在紫禁城內乘坐二人肩輿。康復條陳數事。均未得行。是時萬已被命爲內閣閣丞。大權實歸之。一切草詔皆出其手。康遂退居聖人府。政事不預聞焉。及事敗。康氏歎曰。紹軒苟從我者。何至有今日。先是康致徐東海一函。自述其復辟之主張。爲虛君共和之制。末有云。張紹軒引兵入關。舉行復辟。其覲皇上。鞠躬至敬。其心術至忠純無他。惟其

專心兵事。其政治大計皆付託左右。遂至左右隱操大權。剛復自用粗疎無謀。不撫各督之異心。不通世界之大勢。遂招妬攻。致茲蹉跌。初吾代草詔書。用虛君共和之意。定中華帝國之名。立開國民大會。以議憲法。即召集國會。而速選舉。其他除滿漢合新舊。免跪免避諱等語。時預草數十。以備施行。及見排不用。又以草詔示陳韜菴師傳。並面告醇王。與近支王公。及世伯軒。皆願行虛君共和。用中華帝國名號。不用大清。其言動係立憲。事事當聞內閣。正擬改發詔書。而兵事已起。今公以太傅總錄萬幾。旨既受顧命付託之重。今復當政體調停之任。伏維明公深明虛君共和之體。保存幼冲復辟之文。上免國本之動搖。下拯生民之慘酷。以報先帝。而安皇位云云。觀此。可以知復辟時康氏之真象也。及國軍進迫都城。事敗。康逃入某國使館中。今康已六十矣。雖屢經挫敗。其所抱主旨始終如一。剛健果決。鑒於自信。大有毀譽不足動其心。生死不能移其志之概云。

右稿成於匆卒。所記之事大半採錄舊時之書籍。或依據當日之報紙。其中層次顛倒。疎漏且多。閱者諒之。茲將康氏所擬復辟未用各詔一併附訂於後。

康有爲所擬復辟未用之各詔

康擬宣統登極詔

中國之地。北屬羲炎。南屬三苗。我祖黃帝之先。宅中亞洲之地。劍戟遺器。古文刻字。播及歐洲。時在部落。游牧遷徙。東逾葱嶺。遂跨瀚海。邑于涿鹿。史記謂居無常處。以師兵爲營衛。蓋自北漠游牧入宅中土。巡定萬國。分封二十四子。遍及蕃服。傳及于殷。淳維之後。遂開匈奴之國。我朝祖出肅慎。亦爲我黃帝之別枝。宅于長白。實隸漢時之郡縣。中更六朝。地隔中原。遂淪異域。稍異華風。然與舜出東夷。文王出西夷。吳斷髮文身。而爲太伯。後楚筆路襪。而爲鬻熊。後其義一也。故生理學者。以中國內地。與蒙古人種相同。號爲蒙古人種。蓋皆爲黃帝之後裔也。故滿漢西藏蒙古回族。本屬一系。前之北魏周齊。後之契丹女真。咸改華姓。婚姻傳種。久合一家。我朝定鼎中夏。猶別子入繼。大宗云爾。竭其兵力。舉東三省蒙古新疆西藏。二萬里地而歸中國。自古未有之功也。聖祖仁皇帝去庸調而併于租。定一條鞭之稅。全國凡三千餘萬兩。二百餘年未嘗加分毫之稅。中外之仁也。德宗景皇帝創行立憲。召集國會。自

古未有之政體也。隆裕皇太后不忍國民之流血。自棄一姓之尊榮。禪讓至德。今古罕聞。付與袁世凱以全權。組織民國政府。誠欲得共和盛治。民治良規。五族同安。中國又寧也。豈意袁世凱藉托總師。窺竊神器。毒流四海。危害宗邦。塗炭生民。大創國土。五年三亂。不絕如線。繼其後者府院爭權。政不及民。議員擾攘。亂延於國。督軍及百官等。以民主政體。祇能釀亂。不能爲治。不能適於中國。請朕復正大統。今復卽位。朕惟歐洲諸國。實爲憲政之先河。然英有君主。實亦共和。英以盛安。比於中南美民主國。歲月爭亂。過之遠矣。朕與吾國民願用英國君民同治之政。昔舜恭己南面。而無爲。禹有天下而不與。誠我中國立憲之先導。朕庶幾焉。永削滿漢之名。以去畛域之界。統名中華帝國。以行立憲政體。大開國民會議。以定憲法。朕與五族之人。同爲中華之人。同成中華之治。朕以冲孺。未識治理。若涉大水。不知由濟。亦惟聽與人之公論。考大地之新知。求才賢之輔弼。憂困苦之黎元。不分新舊。而合鑠。斟酌古今。而行政。獎勵物質。以富民。興起教化。以美俗。政權公之國民。猶是共和也。庶幾中國又安。生民樂業。朕有厚望焉。欽此。

擬定中華帝國詔

朕惟立國。必有國號。中國之爲華夏。歷數千年。我朝上承唐虞。夏商周漢唐宋元明之正統。大清朝號。祇對前朝言之。今五族一家。同爲中華國民。不可以朝號代國號。應定號爲中華帝國。欽此。

擬開國民大會以議憲法詔

朕惟歐美政體之異。有共和立憲專制之殊者。專視其以土地人民爲公有與私有而已。古者行君主政。視其人民爲一家之私有。如人民之置私產焉。故曰專制。若以土地人民爲國之公有。君主如世宗子而世爲族長。民主如以才能而選爲族長。皆只有任其家族之事。而於全族之產業族衆無私焉。苟爲公有。則人民各有公權。發其公意。君主民主無所別焉。故英爲君主國。而民權反多於法國也。吾國先聖孔子曰。舜禹有天下而不與。公天下之義也。又曰。君哉舜也。無爲而治者。其舜也與。夫何爲哉。恭己正南面而已。以天下爲共有。而不私之也。德宗景皇帝至仁大德。同符堯舜。創立憲法。定爲君主立憲政體。亦旣舉天下而公之國民。有天下而不與矣。暨朕

續服。演述先志。首集國會。重定憲法。朕以冲幼。恭己無爲。不過臨長百姓。冀億兆之
乂安而已。虛立君位。同於共和。豈有賴焉。國民或未達公有之義。泥民主之法。六年
四亂。皆爲首長爭權。試驗無效。迎朕復辟。朕惟垂拱南面。遵守憲法。與我臣民奉以
周旋。無敢失墮而已。今既非民國。約法已廢。惟宣統三年十月之憲法。經誓太廟促
行。今應用之政體。雖爲虛君。民權仍是共和。惟是憲也。出於一時軍人。並非萬方民
意。與民國之約法同。大凡非民獻之公意。則不能得一國之事勢。風俗民情。豈能行
之久遠乎。朕惟憲法重大。非集全國之耆碩。通才公議。不可。或由府縣舉人。或由直
省舉人。其開議憲局。先議定議憲選舉法。迅速頒行。以備國民大會公議憲法。俾朕
與四萬萬人民共有遵循。庶立中國萬年磐石之基焉。

擬召集國會詔

洪範曰。謀及庶人。孟子曰。國人皆曰。凡國爲人民所公有。卽當與國民公議之。且爲
治者。必令全國民情地利。悉發暴露。如攝影然。乃可圖治。國會卽攝民俗民情之影
也。我德宗景皇帝。爲中國創立憲法。首開國會。朕續舊服。承先志。昔於宣統二年。開

資政院爲我君民共議政治之始。民獻數百。多士濟濟。共宏遠謨。不幸遭變。不竟厥會。暨乎民國數年。兩被解散。然國會爲立憲國之機軸。我中華帝國立法之要樞。朕所日倚也。所司其亟議召集國會。庶幾野無遺賢。奔走僭來。同我太平。朕有厚望焉。

擬保護各教詔

諸教之來源遠矣。傳自數千載。行之徧天地。皆牖民以德。令其敬恭明神。尊天養魂。懺罪遷善。夫民有血氣嗜欲心知。與其待治於刑政。奚若先懷其旦明也。所以助治本者。善矣美哉。朕甚敬之。甚樂保護之。各國憲法。皆無不聽信教自由。蓋自七年教爭。德國死人千六百萬。而復得之。中國數千年來。雖尊孔教爲國教。然實聽信教之自由。自漢唐明來。佛回基督入中國。並行不悖。並育不害。我國之信教自由。大地莫先焉。於今二千年矣。朕益崇斯義。其令所司於各教教徒祠廟。謹依約法善保護之。無忽。

擬親貴不干預政事詔

前代之有天下也。徧封子弟。分王內外。或充百司。親貴橫行徧天下。小民怨咨。有司

莫敢誰何。我朝有天下而不與。宮中府中。畫界分明。自食關稅外。戶部正供。但以供國用。而內府不得提取。近支王公。只封關內。虛王侯。不任職使。仁宗睿皇帝即位。命成親王永琨入軍機。猶稱列祖制以辭。蓋祖制深遠。所以防倚勢作威。免暴彼民也。其法美意良。與歐土立憲國同。過前朝遠矣。文宗末年。涼邑破亂。不幸遭熱河之變。主少國危。恭忠親王遂以親賢定國。遂爲議政王。乃權變之例。後無遠識。忘奉祖訓。致親貴遞爲首輔。甚至柄權皆屬宗王。遂至奕劻昏貪。乃至賣國。則違反祖制所致也。朕今復位。悚惕危厲。引爲嚴戒。敬奉祖訓。其近支王公。勿預政事。有司查考歐洲日本親王之例。酌定條例。永永施行。

擬免拜跪詔

朕惟古者君臣坐而論道。蓋共此天位。皆以爲民。不過稍示等威。非爲故嚴天澤。故禮天子爲三公。下階爲卿。離席爲大夫。興席爲士。撫席於公。卿大夫拜。皆答拜。漢制皇帝爲丞相起。晉六朝及唐君臣皆坐。惟宋乃立元乃跪。後世從之。徧考東西各國。皆鞠躬肅立。或握手並坐。故考中國之古禮。坐論而答禮如此。審環球之禮俗。其坐

資政院爲我君民共議政治之始。民獻數百。多士濟濟。共宏遠謨。不幸遭變。不竟厥
會。暨乎民國數年。兩被解散。然國會爲立憲國之機軸。我中華帝國立法之要樞。朕
所日倚也。所司其亟議召集國會。庶幾野無遺賢。奔走偕來。同我太平。朕有厚望焉。

擬保護各教詔

詔教之來源遠矣。傳自數千載。行之徧天地。皆牖民以德。令其敬恭明神。尊天養魂。
戰罪遷善。夫民有血氣嗜欲心。知其待治於刑政。奚若先懷其旦明也。所以助治
本者。善矣。美哉。朕甚敬之。甚樂保護之。各國憲法。皆無不聽信教自由。蓋自七年教
爭。德國死人千六百萬。而復得之。中國數千年來。雖尊孔教爲國教。然實聽信教之
自由。自漢唐明來。佛回基督入中國。並行不悖。並育不害。我國之信教自由。大地莫
先焉。於今二千年矣。朕益崇斯義。其令所司於各教教徒祠廟。謹依約法善保護之。
無忽。

擬親貴不干預政事詔

前代之有天下也。徧封子弟。分王內外。或充百司。親貴橫行徧天下。小民怨咨。有司

鴻文叔萃

九十四

(錄京話日報)

立而不拜如彼。自今臣工行禮。其免拜跪。欽此。

擬合新舊詔

朕惟大道博大。乃成爲天。人政繁複。乃成爲國。東西相反而相成。冰炭極反而同用。今中國之立國。非取東西之新法新學新藝。則不能圖富強。非存中國之教化禮俗。道揆。則不能固根本。孔子不云乎。溫故而知新。調和新舊。各得其宜。勿令偏頗。以得中和。雙輪並馳。以進政軌。用人行政。悉衷是義。曉諭天下。咸喻聞知。朕意。

擬免避諱詔

朕惟古者不諱。周人乃有諱義。然皆施於死者。致其思敬。故曰卒哭乃諱。後世誤諱生者之名。則是以死禮行之。甚紊謬。且不祥莫大。且古者臨文不諱。其令臣民有書朕名者。無庸缺筆。無庸避改。欽此。

以上鴻文拔萃之文字均應作聞

鴻文拔萃

九十四

(錄京話日報)

◀◀ 第一期 鴻聞 拔萃 目次 ▶▶

順治車錫五台遺聞

康熙私訪民隱

(小說一門)

白話小說王文紹

(清季遺事一門)

同治末命異聞

立嗣問題私記

穆宗之於徵且勒

(叢錄一門)

梁鼎芬參劾袁瑛城疏

伶界五光十色一門

所記皆諸名伶趣史

◀◀ 第二期 鴻聞 拔萃 目次 ▶▶

明末清初之虬髯公

以枕代死奇聞

(小說一門)

遺事小說乾隆之初和珅

白話警世小說籌安六君子

(清季遺事一門)

慈禧之於德宗

溥偉之於張文襄

庚子日觀之巧奇緣

(叢錄一門)

蔡松坡之於小鳳仙

慶親王蓋棺之評論

